


AETII CLETI
MEDICI SIGNINI
DILVCIDATIO

In Aphor. 22. Primæ sect.

Pro defensione Interpretationis Marfilij Cagnati.

*Nuper edita per Philandrum Colutium
Veliternum, Medicinæ in Romano
Gymnasio Professore*



PERILLVSTRI
BERNARDINO
CASTELLANO

GREGORII XV.
PONT. OPT. MAX.

A Secretis Medico.



ROMAE, Apud Hæredem Bartholomæi
Zannetti. M. DC. XXI.

SVPERIORVM PERMISSV.

THE
CITY OF
MONTREAL

OFFICE OF THE
MAYOR

1000 RUELLE DU
MAYOR

MONTRÉAL, QUÉBEC
H3C 1A6

TELÉPHONE (514) 392-1000
TELEX 130 000 000

FAX (514) 392-1000
TELETYPE (514) 392-1000

1000 RUELLE DU
MAYOR

MONTRÉAL, QUÉBEC
H3C 1A6

TELÉPHONE (514) 392-1000
TELEX 130 000 000

FAX (514) 392-1000
TELETYPE (514) 392-1000

1000 RUELLE DU
MAYOR

MONTRÉAL, QUÉBEC
H3C 1A6

TELÉPHONE (514) 392-1000
TELEX 130 000 000


FAX (514) 392-1000
TELETYPE (514) 392-1000

1000 RUELLE DU
MAYOR

MONTRÉAL, QUÉBEC
H3C 1A6

TELÉPHONE (514) 392-1000
TELEX 130 000 000

FAX (514) 392-1000
TELETYPE (514) 392-1000



*Imprimatur si videbitur Reuerendissimo
P. M. Sacri Palatij Apostolici.*

P. Episcopus de Curte Vicefg.



Ego Ludouicus Cescherinius Medicus,
Philosophus Romanus, ex commis-
sione Reuerendissimi P. F. Hyacinthi
Petronij Sacri Palatij Magistri, le-
gi ea diligentia qua potui, Opusculum
Aetij Cleti Signini Medici, atque Phi-
losophi. Dilucidatio ad Aphorismum
vigesimalium secundum sectionis prima,
& nihil in eo inueni, quod Sancta Ro-



2

mane

*mane Ecclesiae repugnet , neque quod
possit pias aures offendere , neque quod
aliquid contra bonos mores contineat .*

Ludouicus Cescherinius Medicus;
Philosophus manu propria .

Imprimatur ,

Fr. Gregorius Donatus Rom. Magister,
& Socius Reuerendiss. P. F. Hiacy-
n-
thi Petronij Sacri Pal. Apost. Magi-
stri, Ord. Præd.



PERILLVSTRI D. D.

BERNARDINO

CASTELLANO

GREGORII XV.

PONT. OPT. MAX.

Medico à Secretis dignissimo.



PHILANDER COLVTIVS

Veliternus, Medicus Romanus. F.



Vm ab aliquibus
forſan quædã mei
præceptoris Mar-
filij Cagnati Me-
dici doctiſſimi interpreta-
tio,

tio, & sententia in aphorismum 22. primæ sectionis, qui incipit matura Medicari, & quæ sequuntur, perperam intelligeretur decreui illam in lucem prodire, aliquo addito studio, & labore. Et cum experientia compertum sit, aliquos adhuc propriam sententiam non attingere, quamvis verissimam, Aetius Cletus, Io. Manelphus Medici oculatissimi mei familiares, & pariter Cagnati auditores, in defensionem præceptoris, interpretationis Marfilij, veritatem clarius, & validius
pate-

patefacere decreuerunt, in
delucidationē narrati ope-
ris à me editi, idque omni
Christiana modestia, & du-
cti tātūm veritatis stimulo;
ac Publica vtilitate. Cū ve-
rò eius interpretationis Iu-
dex aclamatus fuerit, Vi-
ctorius Merullius tunc vi-
uentis Pontificis à secretis
Medicus, & in eandem ma-
teriam iterum scriptum sit,
iure quasi hæreditario tibi
Castellanè labor debetur,
cum auctor id expostulet,
& quia vere hoc deiudica-
re potes, clara enim tibi
erant Marfilij doctrina, sa-
pientia,



AETII CLETI SIGNINI
Medici, atque Philosophi,

Dilucidatio ad Aphorismum 22. se-
ctionis primæ.



ARCHIATRIS
ROMANÆ ACADEMIÆ
CLARISSIMIS
AETIVS CLETVS F.

DISPVTATIO omnis, viri
doctissimi, quam eruditissimis
viris (mea sententia) com-
mittenda est, ut ij, qua val-
lent eruditione, litem compone-
re, quodque in ea arduum est definire queant.
Hoc ipse consilium sequutus mastigen editu-
rus

rus ad Aphor. 22. sect. 1. vobis committere,
 decreui, sperans omnino meas, vel potius Mar-
 sillij Cagnati præceptoris mei, & nunquam
 satis laudati viri partes, à quo illa emanauit
 interpretatio, in patrocinium à vobis susce-
 ptum iri. Vestræ ergo humanitate confisus,
 & munitus eruditione typis dare illam non
 dubito, quam, obsecro, patrocinio vestro opti-
 mo fulcite, & valete. Signiæ sexto nonas Iu-
 lii 1620.



Aphorismorum lib. I. apho-
rismus 22.

*Concocta medicare, & mouere, non
cruda, neque in principijs, nisi
turgeant: plurima vero
non turgent.*

Numero primo.

Aphorismi enarratio exigit illam
priore loco quaestionem dilue-
re, etsi satis vulgarem, quæ cõ-
tinet, an in morborum princi-
pijs medicamentum purgans
propinandum sit. Hac etenim examinata,
quaestione, faciliior omnis ad Aphorismi in-
tellectum patet aditus. Hipp. primus, vtque
assolet, satis apposite, quaestioni satisfacit 2.
Aphor. 29. cum sanciuir, incipientibus mor-
bis

bis si quid tibi videtur mouendum moue
 qua oratione morbos omnes complexus est,
 & promiscue de omnibus est locutus: vt do-
 ceret, initijs morborum licere medico, pur-
 gantia medicamenta dare, quod ipsum testi-
 monio non ignobilium medicorum probare
 non est difficile. Gal. enim 2. de comp. med.
 sec. locos cap. 3. in hæmycraniæ curatione,
 illud affirmavit, vt, qui illam curare aggredi-
 tur, quali purgatione, aut venæ sectione, opus
 habeat, consideret prius oportere: & lib. 10.
 operis eiusdem, in doloribus iuncturarum, à
 principio euacuare, & vena secta, & purgan-
 ti medicamento, non dubitauit. lib. etiam 14.
 Methodi cap. 8. linguae tumorem curaturus,
 pillulas exhibendo, est curationem aggres-
 sus: igitur cap. 2. lib. de totius morb. temp.
 principium ad præsidia ferenda mirum in-
 modum conducere, scriptum reliquit: & prin-
 cipium illud esse, quo sanguinem detrahare,
 atque purgatione vti possimus. Alex. etiam
 cap. 10. lib. 1. de cephalæ curatione, ver-
 ba facere, exorsus: quod superat in principio,
 commode euacuandum docuit: idque facien-
 dum, vel purgatione, vel sanguinis missione.
 sic Paul. cap. 14. lib. 3. melancholicos, per
 initia epithymo, & aloe purgandos esse, me-
 moriæ

moriam mandauit. Rasis denique lib. 9. ad Almansorem, quibus in locis dat præcepta, quæ obseruanda sunt, in cephalæ curatione à bile, vel etiam à pituita, prouenientis, alium à principio pillulis subducit. quam eandem seruat medendi methodum in paralysis curatione, & torturæ oris. quibus liquet exemplis, etiam rei medicæ procures, initijs morborum medicamenta purgantia dare, minime dubitasse. at, clariora, multo sunt Hipp. testimonia; siquidem 4. acut. quibus principio vrinæ nebulosæ, & crassæ existunt, hos, scriptum reliquit, annuentibus ceteris, purgare conuenit. ex tex. 64. lib. eiusdem, in febribus in quibus tubercula in cruribus oriuntur, scamonio ante quintam diem purgandum voluit. pari ratione lib. de affect. in tertiana febre, quarta die pharmacû dandum proponit. demum ex lib. de affect. internis non ignobili testimonio id ipsum comprobatur. Igitur in morbo, in quo pulmonis vena conuellitur, hæc scripta reliquit. Hunc, si à principio acceperis, infra subpurgato scamonio succo. & in medela quarti renalis morbi, tam apposite de purgatione verba fecit, vt omnino illam in principio efficiendam, decreuerit. eius verba hæc traduntur hunc, vbi sic

habuerit, à principio oportet purgare, & ante purgationem fomentum adhibere. quibus ex omnibus decernendum videtur, morbis inchoantibus purgantia medicamenta propinanda esse.

Num. 2. Sed est illud vnum non ignorandum, præallegato aphor. 29. sect. 2. non absolute pronunciatum ab Hippoc. initijs morborum mouendum esse: sed mouendum, si videtur. quod dicendi genere medico locum dedisse visus est, vt consilium capiat, an mouendum sit. Medicum decet eruditum, & prudentem, non ex arbitrio, sed ex arte mēderi: quæ initijs morborum mouendum quidem decernit, & venæ sectione, & purgatione: sed in acutis purgatione rarius, ex decreto aphor. 24. sect. 1. vbi notandum reperitur in acutis affectionibus in principiis quidem sed raro, & cum præmeditatione, purgantibus vtendum medicamentis. raro quidem hæc vsu veniunt, eam ob causam quam indicauit Gal. quia raro turget; quod est ab illo pronunciatum vt indicaret, cum turget, locum dari purgationi in acutis morbis, alijs vero nominibus respuendam.

Num. 3. Exemplum capiamus ab acutis thoracis affectionibus, ab inflammatione originem

ginem trahentibus ; cuiusmodi est pleuritis ,
& peripneumonia ; quibus aduersissima esse
purgantia medicamenta, vel hinc colligitur ;
quoniam satis vulgare est , & scitum , spuro
salubriter illas repurgari affectiones , quod
citata aluo retardati in confesso est. quando-
quidem duæ euacuationes inter se contrariæ,
cum fiunt & è diuersis regionibus , altera al-
teram impediatur est necesse . hinc Actuar.
lib. & cap. 4. method. de respirandi difficul-
tate verba faciens ; huic soli, inquit, ex omni-
bus pulmonis, thoracisque affectionibus, me-
dicamentis aluum soluentibus succurrimus :
quippe reliqui omnes, si ita arte , aut natura
tractentur, in deterius prolabuntur. sed est cō-
cinne dictum ab Hipp. lib. 2. acut. tex. 10.
& 11. vt quo tempore lateris dolor sui signi-
ficationem præbet, ad clauiculam, secta vena,
detrahatur sanguis : cum vero illas partes
infestat, quæ infra septum sunt, veratro nigro,
aut peplo, aluus subducatur, eam ob causam ;
quoniam prior signorum conuentus , pleuri-
tim demonstrat : posterior vero, affectionem
à pleuritide longe diuersam , & in hac ideo
aluum epoto medicamento sollicitandam :
in pleuritide, sanguinem detrahendum, quod
est ab illo pròditum vt decerneretur, saluber-

rimum esse quidem, in pleuritide sanguinem, incisa vena auferre, & dare medicamentum noxium depræhenditur hoc clarius ex Paul. Aegin. qui cap. 33. lib. 3. ita suo tempore obseruatum, scriptum reliquit, vt in quolibet lateris dolore vena secaretur, quamuis ad præcordia descenderet. (opinio enim erat quemlibet ex recensitis doloribus, pleuriticum esse) quæ, ea de causa increbuerat opinio, quoniam certa res erat apud illos, salutare esse, venam tundere in pleuritide & noxium catharticum exhibere, omitto rationem afferre omniũ internarum inflammationum communem ex tex. 22. lib. 4. acut. desumptam, vbi expressis verbis noxium esse, & inutile decernitur, cum in pleuritide, & peripneumonia, tum etiam in cæteris omnibus his similibus affectionibus, purgans medicamentum propinare: quoniam deductæ rationes manifestum efficiunt, in affectionibus partium thoracis non contemnendum afferre detrimentum, purgantia medicamenta dare, quo tempore non turgent.

Num. 4. Ceterum, vt ad pensum redeamus, quæ ratio est, dicet studiosus, vt rarò in affectionibus acutis vsurpanda veniant purgantia medicamenta, frequentius in ceteris
non

non acutis ? illa ratio est, dixerim ego, quoniam acutarum ægritudinum maxime proprium, & peculiare est præsidium, venam secare. quod tibi voluit Hippoc. 4. acut. tex. 19. cum pronunciauit. in acutis sanguinem detrahes. & Gal. consona adiecit lib. quos & quando, & 2. acut. tex. 11. vbi declarauit, venam secare ipsa purgatione, securius esse præsidium in morbis acutis; eo quod ex illa nullum periculum impendet. ex purgatione vero discrimen maximum subiri. quæ Gal. interpretatio documento est, purgantia medicamenta, citra noxam, in acutis morbis, non afferri, & ideo rarò, hoc est, dum turget, præscribenda: sanguinis vero euacuationem, secta vena tutius, & vtilius præsidium in morbis acutis. & idcirco frequentissime vsurpandam.

Num. 5. His igitur in hunc modum constitutis, cum dixit Hippoc. concocta medicaræ eruditissimo Cagnato visum est, de humoribus minime verba fecisse illum, quoniam hac recepta interpretatione, pugnantiâ scripsisset ijs, quæ habentur in aphorismo, in principijs morborum, si quid tibi videtur mouendū moue: quo in loco affirmando, in principijs mouendum esse, decernitur, nondum conco-

concoctis humoribus, medicamentū purgans propinandum: cū ex præallegata interpretatione ad annotationes in Cagnatū habeatur, purgans non exhibendum esse medicamentum, nisi post quā humores concocti fuerint.

Num. 6. Augetur coniectura, seu verius non contemnenda ratio desumitur, de humoribus minime locutum Hippoc. aphorismo; concocta medicare: siquidem, humores vbi concocti sunt, minime euacuandi veniunt. breuitati consulentes, omittimus Rasis afferre rationes, qui 30. contin. tract. 3. cap. 2. erudita, ac multa, disputat oratione, crudis humoribus, non concoctis deberi; euacuationem. eo præsertim cum Gal. habeamus testem. 2. aphor. 29. dicentem, cum iam natura concoxit, superfluum est euacuare. Illa quippe euacuationis facultas est, vt vtile reddat quod est concoctum; eaque de causa illud euacuandum non esse clare hoc expressit Gal. idem 11. meth. cap. 9. vbi concoctione putredinem sanari, scriptum reliquit. in quem sensum lib. art. med. cap. 89. concoctione putredinem finiri, causa remanente imputri, testatus est. Quamobrem primo acut. 18. cum febres ex humore putredine ortum duxerint, non paruam diligentiam adhibendam

hibendam esse; docuit, ut; quicquid ex ipsis concoqui possit, concoquatur, quodq. exustum est, neque amplius concoqui possit, euacuetur. Igitur tantum abest ut concoctio dirigatur ad euacuationem, quin potius è conuerso contingat; scilicet eo consilio, ut felicius concoctio subsequatur. hac motus ratione Gal. 3. acut. tex. 62. non antea balneis utendum admonuit, quam euacuatum sit corpus, idque eo nomine agendum, ut hæc concoctionem adiuuet. significauit hoc ipsum expressius 2. aphor. 19. quo in loco maiora præsidia adhibenda, in morborum principijs, est interpretatus, quæ sunt venæ sectio, & purgatio; eam solam ab causam, ut concoctiones citius eueniant. Et euacuatione enim minore reddita materia; facilius natura concoquere potest. Quibus ex omnibus concludebat Marsil. concoctioni anteponendam euacuationem, & concoctione peracta, si quid incoctum, remanserit, altera euacuatione, tollendum. p. 12.

Num. 7. Neque est cur pragmaticus virum admiretur; afferentem; concocto, remisso, aut soluto morbo, non esse purgandum. quoniam his pugnancia docuit Marsil. lib. de p. 32.
urbana febres curare. cū protulit. nec ridenda
euacua-

euacuatio soluto morbo facta ob timorem recidiue: nam Hippoc. admonuit fieri recidiuas, & recidiuarum signa docuit: ergo cur non sit iuste timendum quod fieri solet? cur non sit imminenti periculo, opportunis auxilijs occurrendum? verum in huius aphorismi interpretatione, hoc rarius contingere notauit. & propterea verisimile non esse preceptum, hoc, concocta medicare, traditum de his, quæ rarius accidunt, cum, sit contrarium ijs, quæ frequentius eueniunt. non ergo expedita concoctione purgationem, cum fuerit opus (quod rarius contingit) subtulit Marsil. adeo vt subeat admirantis viri, demirari foelicitatem, consciij ceterorum admirationem nõ nisi eruditione multa reprobari: admirantis verò viri admirationem, oculorum lotionem sola, fugari.

Num. 8. Et quamuis distinctione multa, vtatur aduersarius, ad declarandum aliud esse incoctum, aliud crudum, aliud exustum: quorum disquisitionem tanquam nullius frugis, penitus omitto: illo solo non prætermisso, ex ea distinctione nullo pacto concludi, quod concoctum est, illud euacuandum pharmaco. Enim vero si expedita concoctione quod exustum est, vel etiam quod concoqui non

non potuit, illud euacuandum, non inde sequitur humores concoctos euacuandos esse: cum hi toto coelo contra distinguantur, à crudis & exustis succis. quamobrem aphor. hæc aptari interpretatio non potest, concocta medicare, & moue: hoc est, humores vel exustos, vel non concoctos medicare & moue, etenim dato & non concesso, de humoribus verba fieri, eo in aphor. tamen ipsa vocis acceptio declararet, aliud esse humores concoctos, aliud non, concoctos, seu exustos. atque proinde dictum illud concocta medicare de humoribus crudis, seu exustis minime interpretandum.

Num. 9. Sunt qui confugiunt ad humorum apparatus (quanquam hunc etiam confundant cum apparatu corporis) quo arte facto, arbitrantur satisfecisse humorum concoctioni. quæ interpretatio, ut ex arbitrato pēdet, ita Hippoc. dictis refragatur, qui nullibi indicauit, humorum apparatus, eundem esse, cum humorum cōcoctione præter quam quod hunc humorum apparatus ad purgationem efficiendam, nunquam vel optandum, aut faciendum arte, docuit Hippoc. Est quidem apud illum memoriæ mandatum 2. aphor. 9. corpora quando quis purgare
 volue-

voluerit, fluida faciat, oportet: verum hic corporis apparatus est, ad purgationem efficiendam non humorum. Corpus enim efficitur fluidum non ipsi humores. delucide hoc deprehenditur ex eodem Hippoc. 7. aph. 66. scribente; corpora ubi quis purgare voluerit, fluida faciat, oportet; etsi supra, sistere aluum, si inferius humectare. His contentanea memoriae mandauit Cor. Cel. c. 18. lib. 3. cum protulit; illud quoque perpetuum est in omnibus morbis, ubi ab inferiore parte, aliquis purgandus est, ventrem eius ante soluendum esse; ubi à superiore comprimendum. sed hac de re alibi latius. Satis esto intellexisse, non humoribus, sed corpori deberi apparatus ad purgationem efficiendam.

Num. 10. Obijciat forte studiosus. inutilis ergo est syrupperum vsus, quibus medici frequentissime vtuntur, ad præparandos humores, quo purgatio felicior, & ex arte contingat. Hoc consilio syrupperos propinare, mea sententia, vanum esse dixerim; quamquam non negauerim, alijs nominibus prodesse. Enim vero quia medicata alimenta sunt, contrarias qualitates calidi, frigidi, humidi, & sicci corrigere valent; partium intemperies emendare, robur adijcere, & alia
his

his similia efficere. Non est locus in præsencia anxie disquirere, an morbis in omnibus salutaris sit syrupperum vsus. nouimus enim Hyer. Merc. in examine secundæ historiæ primi epid. in febribus acutis prorsus repro-
basse illos, eo quod ægrotantibus sunt ingra-
ti, & facile bilescunt; qua eadem ratione Sa-
lius primo de morb. sect. 3. tex. 60. illos su-
spectos habuit in erysipilate pulmonis: eos-
demq. reiecit Massaria lib. 3. pract. cap. 22. in
dysenteria curatione, & in colliquantibus fe-
bribus tum à syrupis, tum mellitis rebus ab-
stinendum esse censuit Forestus lib. 2. obser.
scholi: ad cap. 40. quorum sententijs fauet
Gal. 11. meth. cap. 19. quo in loco mellicra-
tum in inflammationibus ventriculi, iecoris,
& lienis obesse, pronunciauit: eo quod illico
in bilem transeat, & inflammationes adau-
get. quibus ex auctoribus depræhenditur,
non omnino tutum syrupperum vsus in mor-
bis omnibus, & febribus, præsertim à bile
ortum ducentibus. quamquam Valles. lib. 3.
acut. ea distinctione vsus est, vt acida serapia
non prorsus reiecerit, ceteras vero potiones,
vel ex saccharo, confectas, vel melle, illi su-
spectas esse. Foresto tamen alia arrisit di-
stinctio, vt maxime dilutas potiones, non
con-

contemplerit; alio verò modo propinatas re-
iecerit. Sed, hac de re quicquid sit; satis esto;
vt redeamus, qua fluxit oratio, syrupis hu-
mores non præparari; ad purgationem, adeo
vt, corpus, ijs propinatis, fiat fluidum.

p. 12.
initio.

Num. 11. Docet etiam alia non ignobilis
ratio, humorum concoctionem (quam in vi-
gore fieri contendunt) expectandam non ef-
se ad expurganda corpora. quandoquidem
ne moriantur ægri mætus adest in omnibus
morbi temporibus, vniuersali declinatione
excepta, quemadmodum Gal. testatus est 3.
de cris. cap. 6. & 9. purgatio ergò, vt pro-
fit (dummodo morbus illam exigat) fatalem
diem præcedat, opus est. non igitur expe-
ctandum est augmentum, vel status morbi;
quibus in temporibus quiescere melius est.
in ipso ergo principio administranda erit,
quo tempore per ipsos aduersarios, humores
crudi sunt. Sed dices, in ipso etiam princi-
pio mors contingere potest, in quo pharma-
cum præbendo, si subsequatur interitus, phar-
maco ægrum necare est. Fateor nonnum-
quam, idq. rarissimum esse, de Gal. senten-
tia, ægrum in morbi principio diem suum obi-
re posse: quod dum euenit, remedijs nullus
est locus. nisi quis persuasum habeat, mor-
bos,

bos, qui statim à prima die, vel primis horis inuadentis morbi, interimunt, celere admodum sortiri principium, atque ad augmentum confestim properare; adeo ut, non in morbi principio, sed in augmento mors contingat. quamobrem si morbi principium patitur, medicamentum afferri propinandum est, aliàs abstinendum; sed esto, ut lubet. ægri vires, morbi naturam, morbi mores, eiusque magnitudinem cōtemplatur medicus: ex quibus extimat, an purganti pharmaco sit locus, de quo exhibendo, capto consilio, non ipsam concoctionem expectare debet, sed à principio illud dare, quo tempore ægri vires fortiores sunt, omniaque mitiora synthomata, sique mortis adsit metus, fatalem diem præcedat: vel eo denique consilio, ut exonerata natura eo onere, à quo tanquam à sarcina præmebatur, concoquat quod est concoquendum, & expellat, quod est expellendum.

Num. 12. Quamquam acquiescendum non est specioso illi pronunciatui, ut concoctiones fiant in statu morbi, eoque lapso purgandum esse. namque tunc temporis deteriores illæ contingunt. cum cessat digestio, inquit Auer. 3. coll. cap. 9. cessat tēpus augmenti, & incipit status. & famulatur Celsus

cap. 2. lib. 3. qui incrementis morbi, inter cetera, illud esse signum, scriptum reliquit, ut deterior concoctio fiat. quod ipsum de statu morbi accipiendum est, quando non nisi decrescente morbo, contrarias notas apparere, dixit: hoc est non deteriores, sed laudatas, & expetitas fieri concoctiones: & huic contrarias toto illo tempore, quod accedit inter principium, & declinationem. consona his protulit Hippoc. 2. aphor. 30. ubi notatum reliquit, in principio & fine omnia imbecilliora, in augmento vero omnia fortiora; qua sententia illud sensit, ut declararet, toto temporis interstitio, quod est inter principium morbi, & declarationem, omnia synthomata fortiora esse, quæ, cum fortiora sint, omnino respuunt tunc temporis concoctiones fieri, cum potius ut Cels. ait, deteriores contingant. Lethales morbi hoc declarant, quorum augmentum, & status non concoctione distinguitur, ut Gal. est auctor cap. 6. lib. de totius morbi tempor. eo quod ijs in temporibus morbus non concoquitur, sed cruditatis, & lethalia signa vigent. Etenim lethaliū morborum, si concoctione, distinguerentur tempora, omnes in principio mori contingeret. Non enim prius laberetur illud,

lud, quam concoctionis signa apparerent; quæ dum visuntur, interius suspitio omnis reiicitur: siquidem concoctiones celeritatem iudicij, certamque salutem, portendunt. Quamobrem quia omnes cum cruditatis signis pereunt, omnes in principio mori affirmandum esset. quod rationi & mediocrum testimonio refragatur, qui in ascensu morbi, illiusque vigore frequentius ægros mori decernunt: quæ tempora, eo quod in læthalibus morbis, concoctione non distinguuntur, ideo morborum tempora concoctione haud secari, est asseuerandum.

Num. 13. Quinimo, neque illud est statis apposite declaratum, in morborum principijs concoctionis signa numquam apparere: quando hæc interdum obseruata, ab auctoribus est traditum, & Gal. insinuauit lib. 3. de crysibus cap. 4. apud quem scriptum reperitur. cum primo die signum aliquod concoctionis, manifestum apparuerit reliquis etiam omnibus, periculum nullum portendentibus, tunc procul dubio sciemus quod in primo quaternario morbi solutionem subsequi sit necessarium. & de vrinis, quibus tantum fudit aduersarius, apposite expressit Hippoc. 2. pro. tex. 26. vrina, inquit, opti-

ma est, si sedimentum candidum fuerit, leue, & æquale per omne tempus, donec morbus iudicatus fuerit. Optima quidem est, quia talis vrina, vti Gal. indicauit hoc loco, cui deinceps acquievere omnes, concoctionis est indicium. & diserte in enarratione eiusdem loci, hanc veritatem, expressit Trincauellius, in hunc modum scribens. Cum hypostatis candida est, leuis & æqualis, optima est; vtpote quæ exquisitam morbi concoctionem demonstrat. Talis igitur vrina concoctionis est indicium, quæ quia per omne tempus excerni potest, depræhenditur, etiam in morbi principio reddi posse signum concoctionis afferentem. famulantur quæ dixit Hippoc. 4. acut. 43. quibus principio vrinæ & nebulosæ & crassæ existunt, hos, annuentibus ceteris, purgare conuenit. vbi Gal. nebulosas vrinas, concoctionis notas esse, interpretatus est adeo, vt tales vrinæ in principijs morborum excretæ, indubitata concoctionis indicia afferant.

- p. 23. *Num. 14.* Multi facienda non est, in contrarium allata responsio; quæ illud continet, hæc concoctionis signa, in principio prouenientia, non esse vera signa concoctionis humorum, cum potius indicent materiam mor-
bificam

bificam non esse crudam, quam quòd verè dici debeat concocta. quæ interpretatio, prorsus ab arbitrato pendet. Enim vero, quantum ipse ex auctoribus assequi potui, ab Hippoc. conscripta vrina non aliud quam concoctionis signum esse pronuntiatur. quod ex euentu etiam colligitur. securitatem enim portendit, morbumque breuem. quæ non alio nomine illud lotium indicat, quam quòd concoctionis exquisitæ, præbet argumentum. Colligitur etiam, vrinam, de qua Hippoc. verba fecit, concoctionis humorum signa dare, quoniam illam laudandam, & expetendam censuit, cum per omne tempus apparuerit. Verum in declinatione morbi dum talis vrina excernitur, concoctionis, humorum est indicium: illam eandem quæ eosdem seruat caractères, quæque eadem est cum illa in colore, substantia, & contentis, vbi in principio excreta fuerit, cōcoctionis indicium, fuisse, pronuntiandum est. Neque alius adest genius, qui, quo tempore ab Hippoc. recensitas vrina mingitur, quæ citra controuersiam, in declinatione morbi concoctionis est signum, secet. distinguatque in tempora, ita vt indeclinatione morbi concoctionis signum præbeat alijs in temporibus materiam

non crudam . Sed hæc quis confutet, magis quam rideat . Ratum ergo est, lotium, de quo Hippoc. verba fecit 2. prog. concoctionis pari passu omnibus in morbi temporibus signum afferre . quod quia in principio reddi potest, depræhenditur in morbi etiam principio, concoctionis signa apparere nonnunquam, quamvis hoc ratissimum sit .

- p. 24. *Num. 15.* Multo minus, alia, per aduersarium promulgata, recipienda est solutio . vrinam scilicet, hanc, in qua residet album, leue, & æquale per omne tempus donec, morbus iudicetur, ab Hippoc. non appellari concoctam, sed esse, signum morbi benigni, & salutaris . assentior illi, benigni morbi indicium hanc vrinam afferre, concoctionis signum non præbere, hoc est, quod negamus : conscij enim sumus omnes interpretes, quantum ipse obseruare potui, in enarratione loci citati 2. prog. concoctionis signum esse profiteri : astipulatur etiam ratio . nam inter cetera, illud vnum benignum morbum esse, demonstrat, cum signa concoctionis apparent, vel etiam à morbi principio, quæ saluti spem certam præbent . quamobrem profiteri, concoctionis signis defraudari benignos morbos ea, quæ concoctionis signa censentur, signa conco-

concoctionis non afferre in benignioribus ,
morbis , totam salutarium signorum est de-
struere naturam . atque proinde hinc con-
cludendum videtur , illud lotium , & conco-
ctionis esse signum , & morbi salutaris indi-
cium .

Numero 16. Laborem intulit pragmati. p. 23.
co, hæc coacarum sententia . quibus in pe-
ripneumonia vrinae crassæ, deinde ante quar-
tum diem attenuantur, læthale est, quod con-
coctionis signum ab vrina captum, ex eo con-
fingi opinatus est : quoniam tale lotium per-
niciosum est . qua ratione factum est, vt præ-
allegatum locum ita interpretandum censue-
rit , vt concoctionis nomine minus proprie
usus sit ad crassitiem illius , per quandam si-
militudinem exprimendam . Verum ad loci
huius intellectum , notabam ipse , non ex eo
vitæ discrimen minari lotium illud , in perip-
neumoniæ principio , quia crassum, hoc est
concoctum , excretum est : verum quia ante
quartum diem attenuatur. quod indicat par-
tes naturales , iecur præsertim, & venosum
genus, à morbifica causa oppressum quæ dum
morbo acutissimo partium spiritalium iun-
gitur, mortem minatur. namque morbus ma-
gnus, cum alteri superuenit, plerumque peri-

mit, vti lib. de affect. testatus est Hippoc. Igitur solemne est, atque vulgatum, illud Gal. 3. epid. sect. 2. tex. 6. continuò in affectionibus thoracis, & pulmonum, vrinas contemplandas esse, quæ si bonæ apparent, haud magnum præbent momentum ad salutem, si prave amplificant ægri periculum. In principio igitur peripneumoniæ crassæ, & concoctæ excretæ vrinæ, cum deinceps recrudescent, & tenuiores fiunt, non propterea in proprie dictas concoctas affirmandum est, sed maxime propriè illa nō neglecta animaduersionæ, vt pernicies debeat recrudescenti morbo, cuius indicium habetur ex vrina, quæ tenuior fit. quare ex eo loco minime deduci potest, concoctas reddi non posse, vrinæ, in principio peripneumoniæ, etiam de Hippoc. sententia, cum ex illo contrarium habeatur.

Num. 17. Neque par ratio est illa, quæ desumitur ex sputis, cū de angyna lib. coach. in hunc modum perhibetur. ex angyna sputa glutinosa crassa, multum alba, vi expurgata, malum: atque omnis concoctio huiusmodi mala. Siquidem Hippoc. ita sputa huiusmodi damnat; vt quo vis tempore excreta, mala esse consueverit. Et quamuis concoctionem huiusmodi omnem improbandam, voluerit.

Iuerit . hoc per antiphrasim accipiendum voluit Duretus . vel etiam affirmare possumus , illud sputorum genus non absolute , concoctum , dictum ab Hippoc. sed comprehensum sub hac nota , huiusmodi concoctio , vt intelligamus , veram non esse , & perfectam concoctionem . sed quandam in ijs reperiri , ex spuitionibus concoctionem , quæ reprobanda est , non expetenda , vel laudanda . Ex quibus compertum fit , ex ea sputorum prognosi ; ad vrinas simillimam rationem minime deduci posse . quamobrem his ex omnibus concluditur , perpetuum non esse , quòd morborum principia concoctione careant , nec non in morbi statu illa perficiantur . cum his contraria , & obseruata , & memoriæ tradita , reperiuntur , apud auctores . Vnde iure merito concludebat Mars. morborum tempora concoctione , & cruditate non distingui : sed symptomatum paruitate , & magnitudine , quæ mitia sunt in principio , vires acquirunt in augmento , sæuiunt in statu , & remittuntur in declinatione . Et quamuis magna apud medicos , altercatio sit , an morbi vigor , coincidat cum vigore symptomatum , hæc tamen tollitur , illa adhibita distinctione , vt symptomatum alia propria sint , alia communia , quorum

priora

priora necessario vigent in vigore morbi , in postremis istud contingere non est necesse. Vnde concluditur , ex proprijs morborum symptomatibus morborum tempora distinguere , non autem concoctione , & cruditate .

Num. 18. Postrema hac ratione concoctos humores purgandos non esse , visum est; quoniam concoctio futuræ crysis est indicum (concoctiones enim iudicij celeritatem portant) & ita prænunciant , vt Gal. primo aphor. 20. illud vnum , inter cetera , perfectæ crysis indicium esse , dixerit , quod est prægressa concoctio. Igitur vt crysis dum fit , præsidio nullo est auertenda , vel augenda , aut alio quo vis modo irritanda , vel interrompenda (quæ etenim iudicantur & iudicata sunt nuper , neque mouere aliquid , neque nouare oportet , siue medicamentis , siue quouis alio modo irritando) ita non multo post futura , purganti medicamento extorquenda non est , aut impedienda : eam ob causam . quoniam pharmaca cryses impedire solent , & naturæ cum morbo præsentem , vel paulo post futuram pugnam interrompere . hanc quoque rationem dilaniare operam dedit magnarum

p. 18. rerum affectator , & grandi hac vsus est distinctione , nimirum cum pronunciatur , concoctiones

ctiones celeritatem iudicij, & securitatem. attestari, nomen illud iudicij, in latiori significatione accipiendum, prout omne solutionis genus importat: non autem de ea quæ fit sensibile euacuatione. quinimo (ita subiicit) crysis contraponitur potius concoctioni, quam eam consequatur. vulgatū est enim, morbos terminari aut concoctione, aut crysi, aut abscessu. Cum igitur adeo inter se distent concoquere, & iudicare, ideo signis perfectæ concoctionis apparentibus, raro crysis, consequitur, in qua natura humorem peccantem expellat. & si aliquando euacuat non semper id sufficienter præstat. Vnde sepe occasio porrigitur medico purgandi post concoctionem. hæc ille. quæ omnia libeat nobis sigillatim examinare, & priori loco in disputationem reuocare; an cum Hippoc. dixit concoctiones celeritatem iudicij, certam, que salutem portendunt, iudicij nomen in ampliore significatione, vsurpandum voluerit, an potius in maxime propria ita vt celere illud iudicium, quod portendit concoctio, cum sensibili excretionem perficiatur, vti ipse existimabam censeo. Enim vero concoctio non tantum iudicij præsagium est, verum etiam illud celere portendit, cum certa salute.

te . quæ iudicij celeritas , cum salute non dubia , non nisi cum sensibile euacuatione contingere potest. exemplo febrium hoc comprobatur , quæ ubi desinunt , absque solutionis signis , recidiuam afferre solent , vt habetur , 3. prog. 22. signa solutionis sunt , vt Valles. interpretatus , est prægressæ concoctio , quæq. subsequitur euacuatio , quæ adeo optanda est in febrium crysi , vt si illa desit , solutionis signum defuisse , dicatur ; & iuxta recidiuæ , metus adsit occasio . Igitur quia infida illa morbi solutio est , quæ absque sensibili excretionem fit , & quoniam infida spe concoctio caret , quæ cum celeri iudicio , spem certam salutis pollicetur , ideo consensendum est , iudicium , quod portendit concoctio , non absque sensibile euacuatione perfici . Excretio enim necessaria est ad crysim perficiendam , vt nonnumquam Hippoc. cum defuit illa , defuisse iudicium , dixerit , quemadmodum dilucide exprimunt illius verba , hæc primi epid. sect. primæ tex. 36. nullos erratice , & citra iudicationem deferabat . hoc est citra euacuationem . & tex. 33. sect. 2. lib. cit. plurissimis citra iudicationem defecerunt . hoc est absque euacuatione defecerunt . Quibus ex Hippoc. verbis compræhenditur , illud
pro-

propriæ iudicium dici; quod cum euacuatio-
ne perficitur. quapropter hinc liquet vbi ille
scriptum reliquit, concoctiones celeritatem
iudicij, certamque salutem pollicentur, de
eâ crysi locutum, quæ excretionem adiun-
ctam habet. quam quia medicamentum di-
strahere valet, iustis de causis proditum est
concoctis humoribus, purganti medicamen-
to parcendum.

Num. 19. Non me latet, de veritate enar-
ratæ sententiæ, dubitari posse; an certa res sit,
& veritati consentaneâ, concoctiones, certam
salutem, portendere, quando compertum
fatis est, alteratione non contemnenda disce-
ptatum à medicis an cum signis concoctio-
nis quispiam mori possit. quem dubitandi
campum; inter ceteros, dedit Argent. qui
in calce libri 2. artis med. sæpe scriptum reli-
quit, cum perfectis concoctionis indicijs ho-
mines à se visos cum febribus perijsse; quibus
consona memoriæ mandauit Salius lib. de pe-
ste cap. 16. quo in loco in pestilentibus feбри-
bus, ita contingere, scripsit, vt lotium satis
laudabile, tanquam concoctionis signum,
portendat salutem, & nihilominus infidum
sit. sed est hac in re egregie philosophatus
Gal. lib. 3. de crys. cap. 3. & 5. vbi satis dilu-
cida

cida oratione, testatus, est cum signis concoctionis perijsse neminem obseruasse se, & his similia de Hippoc. conscripsit Dur. lib. primo coac. tex. 51. cum protulit. qui cum pe-
 pismo interierit Hippoc. vidit, neminem. quare Vales. lib. 2. prog. ad tex. 26. distinctione vsus, est, inquit, cum signis perfectæ concoctionis fieri non posse, vt ægrotus intereat: cum signis manifestæ (& si per-
 rarum sit) tamen aliquando diem suum obire posse. quæ Valles. resolutio, & si erudita sit, tamen notabam ipse in verbis Gal. eam concoctionem salutem polliceri, quam deinceps subsequitur euacuatio. protulit ergo. neminem vidisse se mortuum cum signis concoctionis, vbi crysim habuerint. & confirmant eiusmodi illius verba. neque vel animo concipi potest, quod post morbi exquisitam concoctionem, crysis mala sequatur: vt compertum sit, concoctionem non ex se, solamque salutem portendere, sed cum illam libera, & liberalis subsequitur euacuatio. quod, quia sæpissime contingit, ideo pronuntiatur concoctiones celeritatem iudicij, certamque salutem portendere. Simillimam rationem est haurire à rigore, qui ardenti fe-
 bri superuenit: de quo scriptum est 4. aphor.

58. à febre ardente habito, rigore superueniente, solutio. verum inutilis esset rigor, nisi aliqua solemnis euacuatio illum exciperet, cui tota solus, non rigori debetur. Verum, quia euacuatio sæpissime rigorem consequitur in ardenti febre, ideo conspecto rigore, non contemnendo moniti indicio, spem salutis pollicemur, & si hic illam non præbeat; sed quæ ventura est euacuatio. Id ipsum de concoctione affirmamus, quam eo quod sæpissime expetita & laudata consequitur euacuatio, ideo de illa promulgatur, celeritatem iudicij, certamque salutem portendere. Quamobrem si contingat peculiari aliqua de causa, de qua in præsentia longius differere locus non postulat, vt concoctionem non subsequatur euacuatio, vt celere non consequitur iudicium, ita certam salutem non pollicetur. Hinc etiam deprehenditur, crysi minime contrariam concoctionem; sed ad hanc solam illam laudabilem consequi. siquæ contingat, vt hæc deficiens sit, tunc medicis præsidij adiuuanda, non purgatione sola per aluum infernam, vt opinio est, sed alijs præsidij quam multis, vt venæ sectione mensium prouocatione, & his similibus. Cumque purganti medicamento est opus, non
illud

illud eo consilio datur, vt concoctus humor educatur, verum vt exustus, vel his qui minime concoqui potuit euacuetur.

- p. 21. *Num. 20.* Tempus æquum est vt depre-
 22.23. dicatam, & salutarem methodum audiamus. quæ illud pollicetur, humores concoctos purgandos esse: & vbi signa cruditatis adsunt, nullo modo purgandum, nisi turgeat. hoc verò cruditatis, & concoctionis signa ex vrinis deprehendi: quæ si tenues fuerint, cruditatem arguere (nisi enim vrina tenuis fuerit, nunquam cruda dicitur de Hippoc. sententia) eiusdem vero crassitiem concoctionis notam esse. at vrina media inter crassam, & tenuem, sicuti nec cruda, neque etiam cocta dici potest, ita purgationem prohibere, aut indicare per se, minime potest. hæc habentur in summa. In qua methodo notabam minus appositæ ne dicam ineptæ pronunciatum concoctionis, & cruditatis signa ex vrinis haberi, alijs prætermiſſis, ex quibus cruditatis, & coctionis indicia hauriuntur. Enimvero Gal. lib. primo de crys. cap. 7. & 14. vbi de his signis verba facit, minime arbitrarus est satisfacisse omnibus, vrinas solas memorasse, nisi alui excrementa, & spura recensuisset, ex quibus cruditatis, & coctionis signa

gna habentur. Et quemadmodum venosi generis, signa hæc desumuntur, ex vrinis ita partium inspirationi inferuentium, & thoracis ex sputis, & ventris inferioris, ex alui excrementis: in tantum vt cap. 7. citato primi de crys. & 2. prog. 26. vrinæ decreuerit inspiciendas, in febribus solis alijsque, morbis febribus copulatis, eam ob causam: quoniam illæ, venosi generis passiones sunt, quarum cruditatis, & coctionis, quemadmodum prauitatis, & benignitatis, signa depræhenduntur ex vrinis. quamobrem longe lateque à recto medendi scopo, is aberrat, qui persuasum habet, coctionis, & cruditatis signa in morbis omnibus ex vrinis haberi posse, adeo vt illæ solæ attendendæ sint, alijs prætermis- sis, ad has notas capiendas.

Num. 21. Sed neque illud est veritati cō- sentaneum, vt sola vrina tenuis cruditatis si- gnum habēda sit, conscij namque sumus, hoc ipsum depræhendi etiam signum, ex crassitie. Non est mihi locus in præsentia inquirere, an tenuis vrina semper cruditatis nota, sit, facit enim dubium, primo quia Hippoc. tenuem à cruda nonnunquam distinxit, vrinam; quem- admodum hæc indicant, verba illius 2. prog. 34. qui tenues, crudasque vrinæ mingunt,

& his simillia dixit lib. coac. Epilecticis vrinæ præter naturam tenues, & crudæ. Secundo quia apud interpretes illa satis vulgaris, solet exagitari quæstio, an vrina tenuis fieri possit, ex obstructione, an vero ex cruditate sola. de qua quicquid decernendum sit, illud sane dubitandum non est, calculo laborantes nonnunquam satis tenue lotium, mingere; ex quo cruditatis nota depræhendi non potest, cum hoc contingat ex obstruente calculo, qui nec coctionis, neque etiam cruditatis præbet indicium. Verum vt redeamus vnde fluxit oratio: nempè, cruditatis signū haberi etiam ex crassiori vrina; dulcide depræhenditur ex Gal. qui primo de crys. cap. 12. satis appositæ & luculenter, cum tenues, tum etiam crassas, seu turbulentas vrinas, cruditatis notas esse, significauit. Cæterum quia de Hippoc. sententia certatur; quem locasse cum crassitie cruditatem in vrinis audiamus Valles. lib. 3. controu. cap. 23. in hunc modum scribentem primo Epid. parte 3. historia Philini, vrinæ, inquit tenues & decolores in principio. deinde (paucis interpositis) describens vndecimam diem: vrinam reddebāt vna cum conuulsionibus affatim multam, raro admonentibus, crassam albam, qualis est, quæ in matellis

tellis diu stetit, cum agitur non subsidebat: color, & crassitudo similis iumentorum vrinis. vides (inquit ille) quàm apposite dicat. crassam, quæ cruditatem significat, esse conturbatam. hæc Valles. quippe omittens historiarum multarum examen, vel vna Periclis 3. epid. sect. 3. omni procul dubio perspicuū reddit, crassas etiam vrinas, cruditis notas esse. Primo die, ait ille, vrinam minxit multam, turbatam, albam, deposita non subsidebant. Secunda vrinæ crassæ quidem erant, verum magis subsidebant. Tertia vrinarum copia, quæ concocte multam subsidentiam habent. hucusque Hippoc. vt igitur pragmatico voces suas reddamus. cum nihil dicatur P. 25. concoctum, quod antea non fuerit crudum, eo quod Pericles tertia die, lotium concoctum, minxit, necesse est fateri, excreuisse illud antea, crudum: quod ante minxit lotium, semper fuit crassum, ergo quid antea crassum minxit lotium, erat crudum. atque proinde hinc perspicuum fit, crassam etiam vrinam cruditis notam esse. & ideo à veritate minime longinquum, cum tenuem tum etiam crassam vrinam, cruditis signum præbere. Gal. enim citato cap. 12. primi de crys. testis est; & indicauit etiam Actuarius lib. primo

C 2 meth.

meth. cap. 14. quod optime coctum est lotium, medium quoddam inter extrema, obtinere, in crassitie. quodque hoc ipso crassius est, aut tenuius, concoctionem imperfectam significare; quare recessus omnis à mediocritate crassitie, & tenuitatis, cruditatis est indicium, & quanto recessus maior est, tanto concoctio deterior, cruditasque maior est. Ex quo sequitur, ut eorum decreto acquiescendum non sit, qui contendunt, medium quoddam statum urinarum, dari, qui neque cruditatis, neque coctionis, nota sit: quandoquidem eo dempto lotio, quod medium obtinet crassitie, & tenuitatis, omne aliud cruditatis est indicium. quanquam hanc minorem arguat, vel maiorem, prout maior, vel minor, recessus erit à mediocritate. Fateri ergo cogimur, decipi nos à speciosa ista methodo, mox è faucibus orci erepta, & ad salutem hominum promulgata. Fallunt enim nos signa, in medium allata, à quibus concoctionum notas nullo pacto assequi valemus: quanquam hæc asserta conclusio nunquam fuit satis probata; ut concocti humores medicamento purganti educendi sint; cū potius hi nunquam euacuandi veniant: sed vel crudi, vel etiam, quod ex ijs in concoctione fuit

exiſtum, quodque concoqui non potuit. & quoniam crudi humores ex arte educi poſſunt pharmaco, hinc ſequitur, vt maxima conſentiente ratione, non in ipſo morbi vigore, ſed in ipſius initio medicamentum purgans, propinari poſſit. quæ aſſertio aphoriſmo, concocta medicare, non repugnat, in quo de humoribus minime verba fieri, compertum habemus.

Num. 22. Alia fauet ratio qua decernitur concoctos humores medicamento educendos non eſſe: namque ſi de ijs ſermo eſſet ad ciendum vomitum, humorum concoctio expectanda eſſet: vnum enim verbum, medicari, tam euacuationem, quæ per aluum fit infernam, quam, quæ vomitu tentatur, complectitur. Hippoc. quartæ ſect. aphoriſmus quartus hoc indicat, in quo ſcriptum reperitur. medicari æſtate ſuperiores magis, hyeme vero inferiores. Gal. quoque aphor. 16. ſect. citatæ, dum interpretatur aphoriſ. 37. ſect. 2. omnem purgationem verbo medicari, complecti, memoriæ mandauit. in tantum vt, quo loco Hippoc. dixit, carnes ſanas habentibus helleborus periculofus, & ſermo illi eſt de euacuatione, quæ efficitur vomitu, (quinta enim aphor. primo ita Gal. ſentit, vt cum hel-

lebori mentio fit, absque adiectione, de albo, qui vomitu euacuat, dictum accipiendum fit) hanc euacuationem sub generali eo aphorismo, in quo de omni purgatione verba facit, complecti interpretandū fit: quippe qui omnem illam purgationem, verbo medicari, expressam, testatus fit. Sed ipsum Gal. dicentem audiamus, quod in præcedentibus dixerat, in omnibus purgationibus, hoc nunc in ea sola dicit, quæ fit per helleborum: adeo ut duo aphorismi possint inuicem iungi, tali modo. qui corpore bene se habent difficile est medicari. sic ergo ut helleborus carnes sanas habentibus, periculosus est: conuultiones enim facit. Quia igitur verbo medicari utraque euacuatio, exprimitur, & sub illo comprehenditur etiam quæ fit helleboro, cui proprium est vomitum prouocare, clarè patet dictum Hippoc. concocta medicare, de sola haud accipiendum purgatione; quæ alio inferni citata, sit; verum etiam de illa, quæ vomitum tentatur: hanc veritatem indicauit Holler. quando hoc aphorismo scribebat *φάρμακον* non solum de medicamentis per deiectionem purgantibus, dicitur: sed etiam generalius de purgatione, ex omnibus corporis partibus: in qua comprehenditur etiam vomitum.

tum . compertum est .

Num. 23. At clamat aduersarius , verbo p. 9.
 medicari , non comprehendi purgationem ,
 quæ vomitu fit : sed eam tantummodo , quæ
 potato medicamento , fit per aluum . ratio-
 nem adiecit , inquiens , quando aphorismo
 primo sect. 4. hoc verbo *παρὰ τὸν* vtero p. 8.
 gerentes purgandas esse , nos admonet , à
 quarto mense vsque ad septimum : abstinen-
 dum vero ante , & post illud tempus , ob peri-
 culum abortus , de inferna tantum purgatio-
 ne , eum locutum , non etiam de ea , quæ sur-
 sum fit , ex eo licet colligere , quia lib. primo
 de morb. num. 7. infortunia recensens , quæ
 absque medici culpa ægris eueniunt , illud
 proposuit ; si mulieri vtero gerenti , dato phar-
 maco sursum purgante , aluus inferne erum-
 pat , & abortus sequatur . inferens huiusmo-
 di periculum abortus , superna purgatione
 nequaquam imminere : alioquin casus fortui-
 tus minime dici possit quæritur , addit ille ,
 dum monet Hippoc. ante quartum mensem
 & post septimum , non esse purgandas vtero
 gerentes , non includit purgationem per su-
 periora , quippe quæ abortus , periculo non
 subijcitur , & quolibet grauiditatis tempore
 usurpari potest ; sed eam tantummodo quæ

fit deorsum . Hæc ille . quæ equidem grandis promissio est : veritati tamen longe dissona . quandoquidem auctorum nullus est, qui optima ratione duce, affirmare ausus sit, vomitum prægnantibus prouocari posse absque abortus periculo : quin potius his contraria protulerunt, affirmantes inter abortus causas cōscribendum vomitum . Inquam sententiam notabam locutos Ambros. Paræum operum suorum lib. 23. cap. 30. Vidium Iuniorē lib. 11. de morb. membratim cap. 32. & ex neotericis alios multos . fauet Auicē. f. 4. p. cap. 11. vbi expresse mandauit, faciendum non esse, vt prægnans vomat : quo loco rationem afferens . Iacob. de part. inter cæteras illam attulit, quoniam ex illo abortiuus foetus facile excludi potest; & Vgo Senen. loco præallegato ; generale canon esse litteris scriptum reliquit ; prægnantes pharmaco , quod vel alui subductionem, vel etiam vomitum concitare queat, non esse purgandas ; & à vehementi vomitu ita abstinendum, vt nullo artificio concitandus sit. Astipulatur quoque eiusdem Iacobi interpretatio ad fen. 21. 3. 4. 2. cap. 8. quo in loco cum Auic. dixit, ex euacuatione abortum contingere, ille pari passu ex vomitu, & alui subductione effici affirmat.

firmavit. Itaque Petrus Appon. differ. 168. sui conciliatoris, quærens quod nam præsidium perniciosius sit in vtero gerenti, nempe sanguinem mittere, an purgare; notat etiam, vomitum perniciosum magis esse alui secessu in prægnante: adeo ut ex euacuationibus pharmaco tentatis, vomitus, cæteris paribus, primum locum obtineat ad abortum prouocandum. Quare firmissimis rationibus impellor, ut persuasum habeam, quo loco Hippoc. dixit, vtero gerentes medicari oportet, à quarto usque ad septimum, si turgeat, tum de euacuatione, quæ fit per aluum inferiorem, tum etiam de illa, quæ vomitu efficitur, illum verba fecisse: nam, præterquam quod ipsa vocis acceptio assipulatur, quæ vomitum, & alui secessum comprehendit pharmaco tentatum: Fauet etiam Gal. enarratio, qui eo in loco affirmat, medicari verbum, usurpatum, pro purgare. Cæterum vno purgationis nomine, tam vomitum, quam alui secessum complecti Gal. verba indicant 2. aphor. 9. qui interpretatus illud Hippoc. corpora cum quispiam purgare voluerit, oportet fluida facere: ita de purgatione Hippoc. locutum interpretatus est, ut cum vomitus, tum alui subductionis, ratio habenda sit ad efficiendum corpus fluidum.

fluidum : ratur vno purgationis nomine euacuationem vtramque complecti : adeo vt , eam ob causam censuerit , ad purgationem efficiendam inferioris vëtris & superioris rationem habendam : quia dum sermo est de purgatione, vtraque euacuatio depræhenditur . apertius habetur ex Vgone Senen. de ambabus euacuationibus verba fecisse Hipp. citato aphorismo primo sect. 4. hic enim ponderans Gal. interprætationem , notandum censuit, illud fuisse consilium illius , vt senserit , tam de vomitu , quam alui subductione , eo in loco Hippoc. locutum. quibus consona conscripsit Iacob. de part. sen. 4. primi loco antea deducto , qui de Gal. & Hippoc. sententia decernit, vomitus, & alui infernæ euacuationes ; eo in aphorismo complecti Hipp. ex quo illud etiam compertum sit , tantum abesse , vt aphorismus iste faueat aduersario ; vt potius ex hoc , illius sententia penitus euertatur.

Num. 24. Neque ex deducto loco lib. primi de morb. concluditur ; supernam euacuationem abortum minime efficere, quando illud medici infortunium esse dixit, cum vtero gerenti medicamentum superne purgans exhibetur, ex quo aluus inferna erumpens,

conspicitur

foetus

foetus perditur . nam vel nobis sermo est , de vtero gerente, nondum morbo depræhensa, vel illo capta . vtero gerenti dum morbo fatigatur, à quarto vsque ad septimum mensem, dum turget; ex arte est pharmacum dare, superne, vel inferne purgans ; prout natura ad hanc , vel illam euacuationem extimulatur . quamobrem si ita turget, vt ex illa turgescencia, consiliam capiat, medicus propinandi medicamentum ; quod vomitum ciat, eoque deuorato non ex voto respondeat : sed infernam ciat euacuationem , ex qua subsequatur abortus; hoc medici est infortunium . Si vero sermo sit ; de prægnante , nondum morbo fatigata , fortasse ausi essent veteres , ob vomendi maximam consuetudinem ; peculiari aliqua de causa, illi vomitum concitare, à quo abstinere iuniores , eo quod iam pridem, euomendi consuetudo exoleuit , quo , pharmaco tentato vomitu , si alius inferna erumpens, abortus consequeretur, hoc medici esset infortunium . Sed aphorismo istud non refragatur, qui de muliere vtero gerente, exagitata morbo edisserit .

Num. 25. Orationem vertamus ad aliud argumentum 4. aphor. num. 5. habemus sub cane, & ante canem difficiles esse pharmacias ,

cias, quo quidem nomine si ea pariter, quæ
 sursum fit, purgatio significaretur, malè di-
 xisset Hippoc. in epistolam ad Crateuam
 scribens. in Abderam migraturus, ad curan-
 dum helleboro Democritum, ab insania (vt
 ferebatur) vexatum, illud anni tempus cura-
 tione congruum esse, quod quidem tempus
 specialiter expressit Damageto scribens, illud
 esse, in quo etesiae spirant, cuius temporis
 opportunitate confusus de salute Democriti
 plurimam spem conceperat. Etesias verò in
 æstate, & diebus canicularibus spirare, no-
 tum est. quo circa si tempus opportunum
 purgationi, per veratrum album scilicet, cu-
 ius euacuatio peculiaris est per vomitum,
 æstiuum est, & sub cane. quod etiam 4. aphor.
 4. confirmavit: certum est dum Hippoc. in-
 quit sub cane & ante canem difficiles sunt
 purgationes, non posse intelligere, eas quæ
 fiunt per superiora, sic ille. Esto dederit De-
 mocrito album helleborum Hippoc. ad vo-
 mitum ciendum (quod sane illius dicto re-
 fragatur, vt mox indicabimus) non hoc re-
 fragatur aphorismo, in quo decernitur, sub
 cane & ante canem difficiles esse purgatio-
 nes. Etenim hoc theoremate ex toto mini-
 me substulit, & prohibuit purgantia medi-
 camenta.

camenta sed medicum admonitum voluit ; ardore canis vigente, difficilius ægriusque substineri purgationes . Vnde cum viribus confidimus , & ex arte decernimus opus esse purgantibus medicamentis , illis non parcimus , & si caniculares dies sint . Sed est his addendum nec album helleborum Democrito destinasse . Hippoc. verba omnia hæc demonstrant . siquidem in epistola ad Cræteuam ; hæc loquitur . tutiores semper sunt purgationes per veratrum , quibus etiam Melampus in Phreti filiabus , & Anticyreus in Hercule , vti narrantur . minime verò utemur nos , vlllo aliquo ex his , in Democrito . quibus compertum fit minime decerni ab Hippoc. se Democrito daturum helleborum . quo etiam concessio , notandum est , sermonem haberi de Melampodio , & Anticyreo helleboro , quem nigrum esse constat , non album . sique aduersarij aliter senserit , nauiget ipse Anticyras , vel consulat Dios. lib. 4. cap. 146. & rem ita se habere certior fiet . quibus similia reperiet apud Plin. lib. 25. cap. 5. dicentem . nigrum (de veratro quippe illi sermo est) ex his Melampodion vocant ; adeo ut hinc compertum fiat Anticyreum veratrum , & Melampodion nigrum esse ,

esse, non album: & deductam ex hoc loco rationem, si quam sortiretur efficaciam, ipso aduersario refragaturam nullum purgationis denique genus, flantibus. Etesijs, Democrito destinasse Hippoc. hæc illius verba, declarant, in epistola ad Damagetum, conscripta. Ego adhortabar ipsos, vt confiderent, tanquam fortassis nihil esset mali, aut, si quid esset, modicum id esset, & correctum facilè, confusus horis anni etesijs. Quibus significare voluit, in ea se opinione versari, Democritum non insanire, eo quod spirarent etesiæ. vel si qua esset, modica eandem ob causam esset affectio. Vnde tantum abest vt excogitauerit Hippoc. flantibus etesijs, daturum se helleborum Democrito, vt nulla apud illum hellebori reperiatur mentio.

p. 26. *Num. 26.* Sic deinceps proclamatur. medicari æstate superiores ventres magis, hyeme verò inferiores, vnde certum est, dum Hippoc. inquit, sub cane, & ante canem difficiles sunt purgationes, non posse intelligere eas, quæ fiunt per superiora. Voluit dicere. Si vox ista medicari, exprimit etiam supernam euacuationem hæc, aphorismo sub cane, & ante canem difficiles sunt medicationes, prohiberetur, & alio aphorismo, medicare

care æstate superiorem ventrem magis, hyeme verò inferiorem, iisdem æstiuis diebus, rursus commendaretur. quare ea recepta interpretatione, & vocis significatione, duobus aphorismis pugnantia dixisse Hippoc. ad quam euitandam contradictionem, decernendum est, verbo medicari, infernam euacuationem dumtaxat significari. hæc tamen ratio tanti facienda non est, vt illa persuasum sit, ambas euacuationes minime exprimendas fore, verbo medicari. Nam dum contemplamur cunctos dies æstiuos, qui siue definiantur à medico vere ad medium vsque autumnum, siue alio quouis modo, comparati ad dies hybernos, illi per superiorem ventrem, vti hi per inferiorem, indicant magis euacuandum. quæ assertio perpetuam, & inuariabilem normam minime præbet, conscijs æstate per aluum infernam, vti hyeme per ventrem superiorem euacuari etiam posse. verum quando ex æstiuis diebus caniculares solos oontemplamur, de illis illud ferimus iudicium, quamuis ipsi æstiuus dies per superiora euacuandum magis, indicent: nihilominus cum ad caniculares venturum est, illud obseruare debet medicus vt, quantum fieri potest parceat medicationi: hoc est vomitui, & alui

& alui secessui, medicamento concitati, eo quod tunc temporis difficiles sunt medicationes. Ex quo non illud sequitur, sub cane difficiles sunt medicationes, hoc est alui subductio, & vomitus medicamento procurati, falsum ergo est, quod æstate per superiores ventres magis, medicari oportet; nam prior loco capiendum est consilium de purgatione, in quo capiendo, illud est observandum, quantum ad anni tempus spectat sub cane, & ante canem medicari difficile esse: quod si viribus confisi, & à morbo sumpta indicatione, etiam sub cane medicamentum præbendum decernimus, tunc illud statuendum est, eo quod illa pars anni ab æstate compræhenditur, ab anni tempore indicatione sumpta, & alijs consentientibus, per superiora euacuandum magis. atque hinc liquet, sub cane cum opus est purgatione, per superiora euacuandum magis, eo quod superior euacuatio, æstate magis tentanda est. & ex his deducitur etiam pugnancia minime scripsisse Hippoc.

Num. 27. Quia ergo verbo medicari non minus infernam, quam supernam euacuationem complectimur, cum dicitur, concocta medicare, pari passu alui subductio, & vomitus,

tus, concoctis humoribus, prouocandus esset. quod, ex eo falsum esse depræhenditur, quoniam maxima consensiente ratione, morbo inchoante vomitum prouocat medicus. testem habemus Hippoc. qui lib. 2. de fract. tex. 27. in calcis fractura prima die, vel etiam postera veraturum exhibendum proponit, illudque eo nomine Gal. ibidem interpretæ, vt vomitum cieat. & lib. de inter. affect. dum præsidia conscribit aquæ inter cutem à splene ortum ducente, à principio ita curandam decreuit, vt priore loco, veratro exhibito, sursum purgetur. & in curatione tabis dorsalis, si ab initio, inquit, curandum susceperis, fomento per totum corpus adhibito, medicamentum sursum purgans bibendum dato. Sed est de vomitu adeo apposite locutus Auic. vt omni careat dubitatione, quin à principio prouocandus sit. hic enim fen. prim. 4. tract. 2. cap. 59. in quartanæ febris curatione, de vomitu sermone instituto, sic loquitur. vomitus iterum & proprie ante cibum, & post cibum etiam conuenientior. & proprie in die paroxismi ante paroxysmum: & proprie quando melacholia est phlegmatica, est de rebus iuantibus in ea, & non in principio tantum, immo in omni hora. Hæc ille ex quo auctore

compertum fit, non tantum in principio, vomitum concitari posse, verum etiam in ipso accessionis die. quod ante omnes decreuerat Hipp. lib. de affect. vbi in medela quartanæ febris, medicamentum sursum purgans, in ipsa apprehensione exhibendum voluit. & his similia memoriæ mandauit Aetius lib. 3. cap. 125. vbi cum de veratro verba facit, in quartanis & fluxionibus intestinorum, illo vomitum prouocandum dixit, in ipsis accessionibus. Astipulatur etiam Gal. dum lib. quos & quando in hunc modum scribebat. accessiones quoque quomodo euacuandum sit, docent. nam, dum accessio infestabit, à superioribus educes: vbi destiterit, quod intermissionem dicimus, ab inferioribus trahes. Vnde sequitur, vt, cum vomitu vti possimus in ipso morbi principio, quo tempore humores concocti non sunt: cumque verbo medicari compræhendatur etiam vomitus, qui cōcoctionem non optat, concluditur, de humoribus nullo pacto verba fecisse Hippoc. hoc aphor.

p. 11. *Num. 28.* Aequo animo non feret hanc iniuriam aduersarius, edoctus non in ipso morbi principio vomitum ciendum: sed illo vigente. quoniam omnium temporum peculiariora

culiaria sunt remedia, quæ extra illa impo-
tune administrantur. in quem censum, subie-
cit, veniunt vomitus, clysteres, & sanguinis
missio per hemorrhoidas, quibus non in prin-
cipio morbi utimur præfidijs: sed properante
ad vigorem morbo. Verum, det veniam.
æquus lector, omnia præfidia hæc inchoante
morbo, ex arte administrantur: non status
propria sunt. nam quis statim à principio mor-
bi, ubi venenum ingestum est, illud vomitu
non discutit? quis cardialgia oppresso, con-
festim vomitu non fert opem? longum esset
affectiones omnes recensere, quibus vomitu,
à morbi principio succurrimus. Sed allatæ
rationes plenè docent, inchoante morbo, mor-
bificam causam vomitu discutiendam: neque
ad hoc efficiendum, morbi statum expectan-
dum, tanquam remedij huius proprium
tempus.

Num. 29. Quanquam nec clysteriorum
usus morbi status peculiare præsidium decer-
nendum est. namque nihil in medendis mor-
bis notius, quam clysteria à morbi principio
inijci, ad subducendam aluum. Gal. enim,
hoc affirmavit lib. de morb. temp. cap. 2. &
alia astipulatur ratio. Enimuero, cum mor-
bi exigunt venæ sectionem, quam à principio

moliri, non dubitamus, & peculiari aliqua de caussa ægri illam non sustineant, ad clysteria confugimus vti Gal. indicauit lib. 2. de comp. med. 5. loco cum de ijs edisserit, quibus ex plaga caput dolet: & primo ad Glauc. cap. 14. quorum iniectio inutilis esset, & non citra noxam, si status proprium esset remedium. Illa insuper quæstio hoc confirmat, in qua disputant medici, an ante, vel post venesectionem, clystere iniiciendum sit. quam ipse enodandam censeo, & ante, & post venesectionem illud inicij posse. cumque sanguis, vena secta, à morbi principio detrahatur, quo etiam in tempore clystere infunditur sequitur, status morbi illud minime proprium esse

P. 13. remedium. Sed hac in parte maluit aduersarius purgantia dicere, quam affirmare vomendum non esse, à morbi principio, & clystere non iniiciendum. hic enim, dum examinat Aegyptiorum medendi methodum ab Arist. relata lib. 3. polit. impiam fuisse illam profiteretur, si verbo, mouere, omnia complexus esset præsidia; atque horum nullum usurpandum, ante quartum diem. eo quod morbis non oculis statim occurrendum est, venæ sectione, & purgatione per vomitum, & clysteribus, alijsque medicis præsidijs. Sed ipsum

ipsum scribentem audiamus. Arist. lib. 3. polit. inquit in Aegypto post tertiam diem mouere licet medicis : quod si prius, periculo id agunt suo . quæ quidem lex impia fuisset si scilicet venę sectionem, & vomitiones, & iniectiones per clysterem, & omnia alia medica præsidia sub verbo mouere compræhendi voluisset : ita vt nihil eorum ante quartam diem vsurpare licuisset medicis . quomodo enim anginas apoplexias aliosque morbos curassent qui vt plurimum ante quartum diem occidunt . similiter & ventris torminatum aliarumque partiũ dolores, & tot morborum genera quibus statim occurrendum est, & venę sectione, & purgatione per vomitum, clysteribus, alijsque medicis præsidijs ? hæc ille . Igitur, quia clystere, & vomitu fert opem medicus , cum ijs vitur à morbi principio, idcirco non hæc status propria censenda sunt remedia .

Num. 30. Sanguinis demum missio per hemorroidas (quod erat tertium præsidium) status proprium constituendum non est remedium . quod plerique omnes hyrudinum morsibus efficiunt. hac enim in parte affirmare auferim , aberrare multos , qui vel in statu morbi, vel alio quo vis tempore, ex hemor-

rhoidibus sanguinem detrahunt, etiam hyrudinibus appositis, omni procul methodo, & indiscrete omnibus. Trincauellij adest declamatio lib. 10. de par. hum. corp. affect. cap. 14. asserentis, nouum hoc esse inuentum, & a veteribus nullo pacto probatum. eam ob rationem, quam Gal. indicat 4. aphor. 25. qui apertissime consuluit, assuescendum non esse euacuationi, quæ per hemorrhoidas fit: quandoquidem perniciosum habent vtramq. immoderantiam, nempe cum supprimuntur, vel etiam nimium fluunt. Verum admonitio hæc locum non habet, cum euacuatio consueta est, & quo tempore illam prouocare curamus, suppressa. Siquidem tunc ex industria agendum, vt sanguis fluat; alijs vero nominibus, neque etiam tentanda ex illis euacuatio. erudite hoc significauit Actuarius lib. & cap. 3. meth. cum decreuit, hyruidines ipso etiam recto intestino apponi nonnunquam, scilicet cum ora venarum iam pridem fuerint obcoecata, & propterea negocium facessunt. Quamobrem nisi obcoecatae hemorrhoides negocium facesserint; non est cur aperiendæ veniant. Declarauit hoc ipsum Iacob. de par. fen. 4. primi cap. 22. qui dum partem illam Auic. interpretatur, in qua de hyru-

hyru-

hyrudinibus verba facit, in ipso capitis calce, notandum duxit, adhiberi nonnunquam hemorrhoidalibus venis dolorosis; ac si dicere voluerit: prouocandas illas minime in morbis quam multis, vt multi faciunt, nisi obcoeat dolorem intulerint. Sed omnium dilucidissime Card. & Holler. ad aphor. 11. sect. 6. demonstrant, operam dandam non esse, vt ex ijs venis sanguis fluat, hyrudinibus appositis, nisi tumerint, & alias sanguinem effuderint: ex quibus colligo, nisi consueta, fuerit sanguinis euacuatio per hemorrhoidas, & suppressa, non est cur medicus det operam; illas aperite. His subijcio, inepte eos facere, qui ante pubertatem predictis venis hyruidines apponunt, cum ante illud tempus minime tumeant. quemadmodum coac. lib. diserte testatus est Hippoc. colligo etiam, quemadmodum male agunt ij, qui indiscrete hemorrhoidas sanguinem effundere, dant operam, ita pessime illos agere, qui non animaduertunt, an venæ illæ adsint, quibus plerosque carere loco præallegato memoriæ mandauit Card. itaque nisi consuetus fuerit sanguinis fluor ex hemorrhoidibus, fueritque tunc temporis suppressus, non est cur moribus hyrudinum, vel alio quo vis præsidio prouo-

candus sit. Cumque id efficiendum est, non ipse status morbi expectatur: sed à principio sanguis ex illis detrahitur. ratio deducitur ex Gal. lib. & cap. 4. de tuenda valetudine dum statuit, in sanguinis copia venam secandam esse, siue alio præsidio vtendum, quod tantundem valeat. Tantundem valere, dixit, hemorroidibus retentis, illas euacuare. Igitur cum hemorroidum euacuatio, vices subeat venæ sectæ, quæ citra controuersiam in principio tundenda est, dedita etiam opera in ipso morbi principio ex hemorrhoidibus sanguis detrahendus est, vt subeat vices venæ sectæ. Vnde ex his satis collisa est illa conclusio, vt vomitus, clysteris iniectio, & per hemorroidas sanguinis euacuatio status propria sint præsidia.

Num. 31. Illa denique recepta interpretatione, vt peracta humorum concoctione, medicari, & mouere oporteat, illud sequeretur absurdi, vt non nisi concoctis humoribus sanguis, vena secta, detrahendus esset: non autem à morbi principio. Verbo enim mouere ipsa comprehenditur sanguinis missio: cumque mouendum sit concoctis humoribus, vena pariter secanda esset, vt sanguis flueret, concoctis humoribus. quod falsum esse, pau-

lo post demonstrabimus. neque hac in parte
arridet pragmatici explanatio, vt verbo mo-
uere, quando simpliciter est prolatum, nec
quicquam additur, quod peculiarem motum p. 10.
significet, eum importare, qui fit deiectione.
Etenim si hæc vera foret opinio, inconsulto
factum esset ab Hippoc. lib. 2. de morb. cum
de tabe disseritur, vt ad exprimendam infer-
nam euacuationem, dixerit, ventrem infer-
nū ne moueas: perhipuisse enim fuisset satis,
ne moueas. quo crimine nullo pacto damna-
tus est Hippoc. cui cum notum esset, verbum
mouere, non ipsam solam euacuationem com-
plecti, quæ medicamento fit: ideo ad expri-
mendam euacuationem infernam, ventrem
infernum, protulit, medicamento ne moueas.

Num. 32. Erudite ergo censuit Gal. 2.
aphor. 29. verbo mouere exprimi etiam fan-
guinis missionem. quam eandem vocis acce-
ptionem, Arabes auctores, sequutos, persua-
sum habeo. Halliabas enim lib. 5. pract. cap.
22. expositis signis, quibus præsentibus fan-
guis detrahendus est, apoplecticis, iisdem
absentibus, ne mouere, subiecit, nec aliquid
ciborum exhibeas, aut medicaminum, donec
72. transeat horas. vt ergo declararet venam
minime secandam esse, ne mouere, dixit, ra-

tus hoc verbo significari etiam venæ sectionem: eundem sensum Auic. verba fortiri fen. prima 4. tract. 2. cap. 7. verendum non est, quando scribebat; non moueas in die paroxismi aliquid, quantum possibile est. Ex communi etenim explanatione interpretum de venæ sectione etiam verba hæc intelliguntur. quem etiam intellectum eiusdem locutio assequetur hisce subsequenter verbis. apud statum non moueas aliquid, donec vincat natura, & digerat: etsi ipsa non mouet, moue tu hora motus eius. vbi Iacob. de part. non moueas aliquid, inquit ille, idest nullam excites euacuationem, neque phlebotomiæ, neque pharmaciæ. Itaque Petrus Appon. in Arabum schola exercitatissimus, differ. 163. sui concil. dum illam quæstionem ponderat, an mouendum sit, in die motus ægritudinis: vocis mouere acceptionem interpretaturus: sciendum, ait, quod mouere est euacuare, seu educere. Euacuatio vero est multiplex: quædam namque sanguinis, alia vero humorum aliorum: quæ animaduersio illuc dirigitur, vt declararetur, verbo mouere, exprimi etiam sanguinis missionem. Sed recentiores audiamus auctores, græcarum litterarum haud ignaros. Valles. 2. aphor. 29. mouere, dixit,

est utcumque aliquid circa ægrotantem moliri. & se ipsum inferius declarans, in initio, subiicit, mouere licet, aut sanguinis missione, aut expurgatione, aut aliter. Quibus consona scripsit Holler. qui prima aphor. 20. cum declarasset, ~~xiv~~ mouere apud Hippoc. vocabulum esse generale ad maiora præsidia, 2. aphor. 29. hæc esse declarauit præsertim phlebotomiam, & pharmaca. clarius verbum illud est interpretatus Fallop. lib. de med. purg. cap. 16. apud quem scriptum reperitur. per illud verbum mouere, non intelligi minorationem, seu minorationum pharmacum, ut quidam male exponunt: sed intelligi omnem motum humorum, quocumque instrumento fiat, & per quancunque partem: vel per scarificationem, vel per sudorem, vel per lotium, vel per pharmacum, vel per sectionem venam; sic ille. longum esset recensere omnes: satis sit adiecisse Card. qui primo aphor. 22. & lib. 2. 29. dilucida oratione interpretatus est, verbo, mouere, comprehendendi etiam sanguinis missionem. apud ipsum hæc leguntur. mouere intelligitur tribus modis. euacuatione, & hoc dupliciter, venæ sectione, & purgatione: deriuare, seu transponere, & auertere. quibus ex omnibus illud deduc-

deducitur tanquam corollarium, verbo mouere, quod omnem medicam comprehendit motionem, ex omni medicorum schola, Græcorum, Arabum, & Latinorum, sanguinis de- tractionem complecti. quamobrem nullo pacto euitari posset (in illa sententia inherendo, vt de humoribus sermo habeatur in præ- senti aphorismo) quin consensendum esset, concoctis humoribus, venam tundédam esse, eo quòd concocta mouenda sunt. quæ asser- tio omnino falsa est.

Num. 33. Noui Auic. in illa versari sen- tentia, vt iam concoctis humoribus, sangui- nem detrahendum esse decreuerit, quemad- modum hæc verba illius, vel interpretis po- tius, declarant fen. 4. primi cap. 20. cum maturatio apparuerit, & ægitudine principium, aut statum præterierit tunc si oportuerit, vt minutio fiat, si non fuerit quod prohibeat, fiat. Sed hanc Auic. sententiam communis medendi vsus penitus euertit, quo quisque statim à principio sanguinem detrahi decer- nit, nulla humorum expectata concoctione: quin potius venam à principio tundi suadet, vt concoctio fiat, non è contrario: namque eo nomine saluberrimū est in omnibus putri- dis, sanguinem mittere, Gal. teste 11. meth.

15. quia exonerata natura, eo onere, à quo tanquam à sarcina præmitur, concoquit quod est concoquendum, & expellit quod est expellendum, & simillia de causa, in morborum principijs maiora afferenda sunt præsidia, eodem auctore Gal. 2. aphor. 29. quæ sunt venæ sectio, & purgatio, quia ob minorem iam factam materiam, natura, quod reliquum est, facile concoquit. & quamquam ipse Gal. vigesimo etiam die, venam secari posse decernat lib. de sang. miss. cap. 20. adhuc scire superest. non eo consilio illud decerni, vt concoctio expetetur: sed ad declarandum, quamuis primum tempus, hoc est principium, sit prætermissum in venæ sectione, nihilominus defectum illum refarciri posse, primis etiam euolutis diebus, tam & si vigesima à primo morbi insultu dies sit; dummodo principes scopi ad sanguinis missionem reperiantur. perbelle simillimum quid indicasse visus est Paul. cap. 40. lib. 6. quando scribebat, primo quoque die sanguinem, vsu id exigente, demittes; sola in ventriculo ciborum concoctione, aut etiam perfecta in iocinere sanguinis elaboratione expectata. at si inter initia, ob causam aliquam, sanguinis detractio prætermissa fuerit, vel ultra septimam

ptimam cum mittere alienum non est, si necessitas postulât, & vires non dissuadeant, quibus ex omnibus illud decernendum est; omnium aptissimum tempus, quando nihil est, quod prohibeat, principium statuendum esse ad sanguinem detrahendum; non autem humorum expectandam concoctionem; & hac in re Auic. consilium penitus deferendum; quemadmodum multa, & erudita oratione memoriæ mandauit Fernel. lib. 2. meth. cap. 13. aduersus quem, & si multa disputet Augenius lib. 8. de sang. miss. cap. 17. vbi Auic. ad bonam frugem redigere, operam dedit; declarando placitum illius accipiendum de cruditate humorum, vel etiam cibi, in ventriculo cōgesti, cuius & si recte dictum sit; expectandam esse concoctionem, non tamen est Auic. decretis consonum, qui non eo in loco de alimentorum cruditate; verba fecit, à qua retardatur sanguinis missio: sed ijs verbis capitis eiusdem. à minuitione præterea cauere debes super cibi repletionem, ne materiam non maturam trahas loco eius, quod ab eo euacuasti, & oportet etiam vt tibi caueas ab eo in repletionem stomachi, & intestinorum facta ex fece iam confecta, & propinqua; imo in iam euacuando stude, & illud

illud quidem quod est in stomacho, aut coram eo, vomitu, & quod in intestinis inferioribus, quo poteris, si non alio, saltem clystere. Quare dubitandum non est, quin Auic. senserit: humorum morbum facientium, expectandam esse cōcoctionem, in sanguinis missione; illa tamen distinctione adhibita, vt cum sanguinis plenitudinem euacuare curamus, hanc statim à principio tollendam, vbi cæterorum humorum concoctionem expectandam esse; hoc manifeste deprehenditur ex illo, in hunc modum scribente, *fen. prim. 4. tex. 2. cap. 7.* scias quod phlebotomia, quando est intentio sanguinis, non est de genere eius, in quo expectatur digestio, expectatione quæ est in solutiuis, & non expectatur digestio, nisi in humoribus alijs. Exemplum capiamus à quartana, in qua, idē auctor, *cap. 59. tract. citati*, & à principio, & iam morbifica causa concocta, sanguinem mittendum decernit, à principio quidem cum sanguinis adest prædominium, cuius plenitudinem vena secta tollendam hortatur. In prædominio vero ceterorum humorum febrē efficientium, morbifica causa iam concocta, venam secandam iubet. quæ omnia ea de causa subieci, vt pateat, Auic. consilium minime

nime affectum Augenum, & ideo iustis de causis reprehendi eundem Auic. asserentem, humorum concoctionem expectandam, in sanguinis missione.

- p. 12. *Num. 34.* At contendit aduersarius, verbo mouere, simpliciter prolato, significari quamlibet purgationem, deorsum factam: ex qua conclusione, nostra, vel potius Hippoc. infringitur sententia, quæ decernitur verbo mouere, sanguinis etiam detractionem comprehendendi. & suum in patrocinium fert aduersarius Arist. qui lib. 3. polit. cap. 2. (seu verius vndecimo) in ea significatione usus est verbo mouere, vt exprimeret quamlibet purgationem deorsum factam. eius oratio hæc est; in Aegypto post tertiam diem mouere licet medicis: quod si prius, periculo id agunt suo. quæ quidem lex impia fuisset, subiecit, ille si venæ sectionem, vomitiones, iniectiones per clysterem, & omnia alia medica præsidia, sub verbo mouere, comprehendendi voluisset, ita vt nihil eorum ante quartum diem, usurpare licuisset medicis. quæcunque fuerit Aegyptiorum lex certa res est. omnia eos subtulisse præsidia ante quartum diem, & hoc sibi voluisse Arist. quando protulit; in Aegypto post tertiam diem mouere licet medicis,

-dicis, quod si prius, periculo id agunt suo. Fert suffragium Mercurialis, qui in suis commentarijs ad text. 38. & 43. lib. 4. acut. & in suis ad libros eosdem adnotationibus num. 36. illud retulisse Arist. memorat, vt apud Aegyptios quicquam agere, seu mouere ante quartam diem, vetitum esset: & clariora sunt verba eiusdem lib. 5. prælectionum Patauinarum cap. 4. cum de temporibus febrium disputatur, scribentis. Secundo modo sumitur principium pro tribus primis diebus morbi, quibus Aegyptij prohibebant, ne medici in his tribus diebus quicquam agerent, vt dicit Arist. 3. polit. ideo vero si quid agebant medici in his diebus, suo periculo agebant. hanc legem imitati sunt illi medici, qui sectâtes Thessalum à Gal. frequenter Diatriarij vocantur. Sic ille. Igitur si apud Aegyptios prohibitum erat, ne medici ante diem quartam quicquam agerent, solam purgationem minime respuebant, sed cætera præsidia omnia. Ex quo compertum fit refragari aduersario, non opem afferre Arist. locum in quo verbo mouere, omne præsidium complectitur; non inquam ventris inferioris euacuationem solam. Verum ex illa Aegyptiorum lege duo colligo: quorum est primum, eo quod

E

licebat

licebat medicis mouere, die tertia iam transacta, cumque morbi nonnunquam tertia euoluta die, principium non effugerint, ex eo quod licuisset post diem tertiam mouere, deprehenditur, in ipso etiam morbi principio Aegyptijs medicis mouere licuisse: & ex consequenti purganti medicamento vti. Alterum quod colligo est, Aegyptijs medicis non omnino vetitum, ante diem quartam mouere: sed cautum duntaxat eorum periculo id factum, hoc est, si detrimentum aliquod contingeret, adscriberetur medico. posse medicum antequam tertia elabatur dies, omni procul detrimento mouere (recta tamen methodo seruata) demonstrare non vtar multis, adeo, vt quamuis medici periculo ageretur, dum ante diem quartam moueret, potuit tamen suo id periculo facere: quoniam tuto id efficit, eo quod tunc temporis mitiora omnia sunt symptomata, viribus ægrotantis fidimus, & quod magis est, si eo tempore aliquod committitur erratū, facilius substinetur, quæ admodum Hippoc. testatus est. 2. acut. 40.

Num. 35. His igitur de causis visum est, minime de humoribus locutum Hippoc. cum perhibuit, concocta medicare, & moue non cruda, neque in principijs: sed de morbis
 ipsis

ipsis, quos tum concoctos seu maturos, tum
 crudos non rarò appellat Hippoc. vt videre
 est 2. acut. tex. 40. 42. & 44. vbi morbum
 concoctum, vel non concoctum appellat, &
 his similia protulit 2. prog. tex. 30. sic scri-
 bens, cum vrina fuerit subfulua, & tenuis,
 morbum non concoctum significat: vti vice
 versa 4. acut. tex. 22. & lib. de veratri vsu af-
 fectionem crudam appellat. quibus vocibus
 vsus est Hipp. vt morbum benignum, vel mi-
 tem exprimeret, cōcoctum, seu maturū dixit.
 quod expressit Heurnius qui vocē *πύπυρον*, &
 Marfilius ex 2. de dieta probat esse eandem
 cum *πύρον*, quam alij interpretes vertunt con-
 coctum, seu maturum, ipse transtulit mitifica-
 tum, vt insinuaret, perinde esse apud Hippoc.
 morbum concoctum, seu maturum appella-
 re, ac mitificatum; vti versa vice, vbi crudum
 morbum dixit, contumacem, & curationi re-
 bellem designare voluit. Maxime contrarij
 quippe inter se sunt, morbi concocti, & cru-
 di, & proinde postremos neque mouendos,
 neque medicandos decreuerit: siquidem qui
 morbi excuti nequeunt, prognosticis sunt re-
 linquendi ne ledat, vel illum silentem irriteret
 medicus; & è conuerso concoctos, hoc est be-
 nignos, & salutares morbos, medicandos, &

mouendos esse fanciuit . hac tamen, adhibita distinctione , vt quemadmodum crudos , neque in principijs mouendos esse voluit : ita, concoctos , adeo curationi expositos , vt in omnibus temporibus medico liceat illos mouere , ita vt generale præceptum illud , incipientibus morbis si quid tibi videtur mouendum , moue , quando vigent, & permanent melius est quiescere : vti in crudis morbis locum non sortitur, eo quod illos neque in principijs mouere oporteat , nisi turgeat : ita in maturis paruifaciendum videatur , eo quod nulla temporum distinctione adhibita , illos mouere deceat. Sunt inter hos alij morbi medij, quos neque crudos, neque coctos appellare decet , mediam quandam naturam seruantes , cuiusmodi sunt exempli gratia , omnes acuti (pessimis tamen signis non copulati) quorum non omnino certæ sunt prædictiones , & salus omnino dubia est . Hi ergo morbi, qui nec ex toto crudi, neque concocti sunt, penes tempora cōcocti, & crudi dici merentur : in principio nimirum, & fine concocti, eo quod illis in temporibus omnia mitiora sunt, in augmēto vero, & statu crudi, siquidem tunc temporis omnia fortiora sunt , & contumaciora symphomata . quam ob causam

fam

sam in principio, & sine mouere decet: ubi
vigent, & permanent, satius est quiescere.

Num. 36. Verum operam dedit aduersa- p. 25.
rius, omnes propositas conclusiones euerte-
re, ac insinuare, melius dictum, morbos, qui
concocti sunt omni tempore, ac salutare, mi-
nime curandos esse. ad quid enim, inquit il-
le; in his medicamenta perdimus, naturam
oneramus, & ægros medicina affligimus, cum
à morbo sponte liberentur? contra (ita adie-
cit ille) cum crudi difficiles, & omnino con-
tumaces, quia assidue ægrotantes affligunt,
medici auxilium exposcunt, qui si eos supe-
rare non potest, saltem eorum symptomata
corrigere, dolores lenire, ægrumque hinc, &
inde vexatum subleuare ex parte valet: &
ideo de his potius dicendum erat medicare
cruda, quæ de illis medicari concocta. Vo-
luit dicere. Aequiori dictum ratione, cruda
hoc est contumaces morbos, & curationi re-
belles, medicari, & mouere concocta hoc est
salutares benignioresque morbos, neque me-
dicari, nec mouere, eo quod necessario po-
stremi terminantur ad salutem: priores, medi-
ci auxilium exposcunt. Nec ut reiiciatur dis-
sertatio, illa dilui debet quæstio, an salutares
morbi curandi sint: quique deplorati, neque

remedijs excuti queunt prognosticis deferendi planè cum nullus medicorum sit, qui salutarium morborum curationem deferat persuasum habeo, id nequaquam temere factum, & inconsultò : sed quia ita poscit medendi ratio, vt salutarium quoque morborum ineunda sit curatio. Quare iure merito medicum, libro priore de morbis, admonuit Hippoc. vt animaduertat, an facilitas futura sit, in curando, an vero difficultas. quæ admonitio, non tâtum dirigitur ad prognosim, sed etiam ad rectè curandum: scilicet vt difficiliori morbo, validiora præsidia adhibeat, mitiori vero, & salutari, leuia. quo ex theoremate deprehenditur, salutarium morborum, minime negligendam curationem. Exemplum capiamus à tertiana, & ephimera febre, quæ etsi salutare sint, nihilominus illarum curationem medici, nullo pacto contemnunt: sed (quod mirum forte videri debet) ad satietatem vsque, de illis verba faciunt. quinimo adeo necesse est prædictarum febrium curationem agere, non tantum ob metum, ne ingrauiores transitum faciant, verum etiam ne illarum neglecta, vel etiam malè tractata curatione (quod locum habet in putrescentibus febribus) curatu difficillime, vel etiam
insa-

insanabiles reddantur . quod de tertiana febre satis apposite lib. 12. c. 6. Alex. protulit.

Num. 37. Deploratos , è contrario , ac morbis fatigatos , quorum nulla salutis spes est , prognosticis relinquendos , aperte insinuauit Hippoc. libro de arte, apud quem scriptum reperitur , medicinæ esse , morbos ab ægrotis in totum tollere , & morborum vehementes impetus obtundere , & eorum , qui à morbis victi sunt , curationem non aggredi , cum in confesso sit , tales medicina sanari non posse fauet aduersarij , & explanatio , qui eo in loco , illud vetuisse Hippoc. memorat , ne medicus morbo victum curandum , & sanandum suscipiat . quæ viri assertio , licet erudita , & subtilis , nostræ astipulatur conclusioni , quæ illud continet , morbum crudum , hoc est curationi rebellem , & contumacem , curandum non oportere suscipi . Sed exempla ex ipso desumamus Hippoc. qui 2. in primum prior. tex. 37. nigra , dixit , remouentes , cibos fastidientes , deliros , in pube parum dolentes , quibus oculus ferox , claususque , medicari non oportet : perniciosum enim , & 6. aphor. 38. caneros oculos non curabis , curati enim cito pereunt , non curati vero diutius viuunt . In cancro quippe duplex inest venenum , cor-

rosium alterum, alterum putrefactium. si-
que huic causticis opem afferre tentat medi-
cus, priori abest: sique pus mouere dat ope-
ram, adeo in insignem degeneraret putredi-
nem, vt vicinas partes omnes putredine con-
taminaret. Hinc manifeste decernitur, can-
cros occultos non esse curandos, vt ab illo de-
præhensus diutius viuat.

Num. 38. Vessicæ calculus non longe
abest, quin in crudarum affectionum numero,
reponi possit. hic enim cum grandior factus
est, nullam curationem suscipit. non enim
potione, aut medicamento frangitur, aut cir-
cumteritur: neque præter noxam exciditur;
quemadmodum Aret. testatus est lib. 2. tard.
pass. cap. 4. hæc enim duo excogitarunt me-
dici præsidia, ad vessicæ lapidem curandum;
medicamentis scilicet illum confringere, &
sectione educere: quorum postremum teme-
rarium, primum inane est, & temerarium; te-
meraria omnis medicina, inquit Dur. lib. 2.
coac. cap. 22. tex. 5. & pessima, & sæpe mor-
tifera; quæ frangendo vessicæ calculo adhi-
betur: cui profuerit vidi adhuc neminem: per
multos autem quibus exitio illa fuit. Theo-
forbi insuper pueri comprobatur exemplo. 5.
epid. quem, temeraria medicina isthæc pere-
mit.

mit . Fert suffragium Trinc. lib. 10. de ratione cur. par. humani corp. affectus cap. 9. ubi se neminem medicamentorum ope, frangentium lapidem, memorat obseruasse curatum; quin potius multos; quibus exitio fuit . Gal. ergo lib. art. med. cap. 94. & 6, epid. comm. 5. tex. 26. integræ sanitatis causam, extractionem solam, & incisionem commemorauit . ratus medicamentis, quibus donatur vis frangendi lapidem, nullo pacto fidendum . Sed hoc quoque uti præsidio, non euitare est periculum, sed commutare . adeo ut in ipso opere ægrotantes periisse, visum sit . Quare eius curationis sectator Celsus lib. 7. cap. 26. & temerariam, & periculi plenam fateri, coactus est, & illam non tentandam nisi ab anno nono ad 14. Vnde non inconsulto, iure iurando pollicitus est Hippoc. calculo laborantes, se non secturum: sed chirurgicis viris daturum rei faciendæ, locum . vel eam ob causam, quam indicauit Auenzo, cap. primo tex. 6. lib. 2. quoniam illud opus abominabile, & miserabile est; & proinde neque probatum, virum decet, operi faciendo adesse . Longum esset omnes recensere morbos, quibus medicinæ locus non est. (nisi forte fuerint temeraria curatione adiuti, quæ etiam nonnullis arrisit

arrisit medendi ratio) eisdemque inter crudos reponendos, de quibus est proditum. quæ crudæ sunt affectiones , neque in principijs medicare, vel mouere oportet.

- p. 26. Num. 39. Nec mouent aduersarij rationes, dicentis . quomodo cruda medicanda, non sunt , si Hippoc. lathalium curationem non docuit modo, sed suscepit etiam 7. & primo exemplo vritur, petito ex lib. 7. Epid. quo in loco quendam à cancro in ore vexatum, sanauit, Hippoc. oratio hæc est, cui carcinoma in faucibus exustum est , à nobis sanus euasit. Card. locū hunc examinans 6. aphor. 36. existimauit , dictum Hippoc. accipiendam, de cacoëtis vlceribus, quæ carcinoma-ribus similia sunt. Hæc responsio nisi arri-deat, notare expedit , non omnis canceri curationem substulisse Hippoc. sed occulti dumtaxat, quando perhibuit , caneros occultos non curabis: reliquit ergo locum curationi, in ijs, qui occulti non sunt; itaque cum pronunciauerit caneros occultos non curandos esse, & nihilominus curationem suscepit, 7. Epid. decernendum est, ne Hippocrati Hippoeratem contrarium faciamus, cancerum non occultum curandum suscepisse . at dices faucium cancerum euasit, ergo occultum
rursus

rursus notare est, ex Aetio lib. 16. cap. 43. & Gal. etiam indicauit, cancerum occultum appellari, qui sine vlcere est, & talem minime fuisse, quem curauit Hippoc. vel etiam, addendum est. occultum dici qui in profundo corporis positus est: non tantum vteri, & intestinorū, vti Philoxenus existimauit apud Aetium: sed ceterarum partium internarum, adeo vt nec se praebeat conspiciendus, neque etiam remedia, quæ continuo adhæreant, apponi possint. faucium cancer se dat conspiciendum, illiq. remedia apponi queunt, cum illum aliquando exustum, recenseat Hippoc. hunc curauit. non ergo occultum. ore enim abditæ partes, externæ dici possunt, vti exemplo linguæ 34. prob. 6. indicauit Arist.

p. 26.

Num. 40. Calliomedontis pueri, rursus exemplum addit, aduersarius, ex lib. 5. epid. cui cum tuberculum haberet in collo durum, magnum, & crudum, ac dolorosum, cruditate non obstante, medelam adhibuit. quæ mobrem venæ sectionem, & cataphasma ex lini semine alijsque rebus confectum contulisse testatus est Hippoc. plane si quis est, cui persuasum sit, remedia mox recensita, sola contulisse Calliomedonti (notanter dictum est, contulisse, ne quis existimet illum sanatum)

tum)

tum) longè lateque ab Hippoc. sententia aberrat, qui iuuamen fert. acceptum ab abscessu, in bracchio exorto. apud illum hæc leguntur. Calliomedontis puero contulit ad tuberculum, quod habebat in collo durum, **magnum, & crudum**, ac dolorosum, abscessus in bracchio ortus, & lini torrefacti cataplasma imponere, subactum vino albo, & aleo imbutum, adeo vt deligatur, neque calidum, neque valde coctum, & quæ sequuntur. ex hac oratione compertum sit, abscessum exortum in bracchio, fuisse, qui primo & præcipue opem tulit Calliomedonti. arguebat enim materiæ transmutationem ad bracchium, quæ, cum aduenit, colli tuberculis maximum iuuamen affert. Vnde est vt remedia, quem insuper apposuit Hippoc. quibus vis inerat emolliendi, & discutinendi segnem excretionem adiuuarent, non ipsa sola opem tulerint. Ex quo decernitur, artificium Hippoc. & remedia naturam excretricem adiuuasse, quæ vti morbos etiam deploratos sanare potest, ita ope illius destitutus medicus omnia in hisce morbis in cassum tentat præsidia. ergo vti decuit Hippoc. commemorata Calliomedonti afferre præsidia, vt naturam excretricem adiuuaret, pari rationem excrementi

naturæ

naturæ debetur iuuamen, quæ nisi opem tulisset in transmutatione materiæ, æquum fuisset etiam ab omnibus præsidij abstinuisse. Ipsa venæ sectio, quid potuerit opis afferre Calliomedonti, examinare præterea, eo quod Merc. in suis notis ad lib. 5. epid. num. 10. à Caluo. & Cornario adiectam memoret, & nullus codex manuscriptus, aut græcus vulgatus, illam recenseat.

p. 26.

Num. 41. Postrema in hunc modum formatur ratio. vteri erysipelas casus omnino læthalis constituitur, in vtero gerente, 5. aphor. 43. quem, qua ratione tractandus sit lib. de natura muliebri indicauit Hippoc. ex quo deprehenditur, eo quod læthaliū morborum curationē suscepit, & indicauit, inepte dictum, morbos crudos, hoc est, curationi rebelles, neque medicare, neque moue. Exigit argumenti enodatio illud priore loco inquirere, an quando vtero gerens erysipelas patitur in vtero, morbus omnino læthalis sit, adeo vt, cum ab eo perculsa deprehenditur, inter defunctas conscribenda sit: an vero aliqua supersit interdum salutis spes. est quippe proditum ab Hippoc. si mulieri grauidæ in vtero fiat erysipelas læthale. quæ admonitio alicui superflua videri posset, cum vniuer-

vniuersæ ab eodem sancitum sit, vtero gerentem capi aliquo acuto morbo, læthale. inter quas, quia locum habet vteri erysipelas, superflue videtur additum, si mulieri grauidæ in vtero fiat erysipelas, læthale. Sed consulto hoc factum ab Hippoc. ipse cenfeo. nam quamuis acuti morbi perniciem adiuntā habeant, & læthi diem afferre queant, nihilominus quando ijdem vtero gerentem deprehendunt, mortis periculum adaugent. Etenim, quæ potuisset mulier acutum morbum descutere, quando in ventre non habet, vtero gerens in grauiori versatur vitæ discrimine. ab eodem morbo acuto fatigata, & proinde æquo iure monendus erat medicus, prægnantem capi aliquo acuto morbo læthale esse, vt ex eo intelligeret, in maiori vitæ discrimine vtero gerentem versari, dum acuto morbo laborat. rursus, etsi certa res sit, vtero gerentis ab acuto morbo fatigatæ, in angusto positam salutis spem, nihilosecius par erat, illud non ignorasse medicum, grauiori multo exerceri morbo, dum vteri erysipelas patitur. Quamobrem, etsi erysipelas vteri inter acutos morbos conscribitur, qui in vtero gerenti admodum perniciosi sunt, nihilominus ad exprimendum omnium maiorem,

rem, hunc morbum esse, æquo iure factum est, vt peculiari theoremate sanciretur, si mulieri grauidæ in vtero fiat erysipelas, læthale. Sed quo consilio disertatio isthæc? vt certiores simus, inter hos morbos ordinem esse, maioris, & minoris magnitudinis, & acutiei; quamuis de omnibus sit proditum, esse læthales, & ex his vteri erysipelas in prægnante, multo grauiorem: non tamen ex toto ineuitabilem, & funestum. de cæteris differere, acutis affectionibus longum foret. Vteri erysipelas non ex toto funestum morbum ex Vgonis Senen. & Iacobi Forli. interpretatione aphorismi 43. sect. 5. aperte colligitur. Enim vero quærentes hi, an huiusmodi erysipelas matri, an potius foetui læthalis magis sit; discernunt, ambobus læthalem, foetui magis, quæ dubij profligatio nobis argumento est, posse nonnunquam sanari vtero gerentem, dum in vtero patitur erysipelas, eo quod morbus hic magis perniciosus est foetui, quam matri. & clarius indicarunt iidem auctores, dum interpretati sunt aphorismum locum habere, in erysipelate interno, & à multa materia orto. Quare si contingat vel extremum esse, vel à modica materia procreari, minime perpetuum est, affectionem illam asse adeo lætha-

læthalem . Exemplo hoc comprobat Heurnius in explanatione citati aphorismi , duas recensendo historias mulierum , quas prægnantes, vteri erysipleas inuasit : quarum altera vita defuncta est, altera morbo . Itaque etsi Hippoc. tum alibi , tum vero libro de natura mulieb. læthalem esse morbum dixerit, dum prægnanti fit erysipelas in vtero , istud accipiendum est, vt frequentissime cõtingat; Quamobrem quia nonnunquam aliqua superest salutis spes , ideo recte factum est ab Hippoc. dum modum recensuit, quo vtero gerentes ab erysipelate vteri fatigatæ , tractandæ sunt. fert suffragium Card. comment. aphor. 43. sect. 5. in hunc modum scribens , per ea verba etsi quidem in ventre habeat , cibis, ac potibus vtatur, & quæ sequuntur, declarat, & si rarò, tamen aliquas euadere posse . astipulatur aduersarius, quando dictabat, nullus morbus est adeo ferus, & læthalis, quin aliquis ex eo euaserit ; (quæ assertio & si locum habeat in vteri erysipelate , falsa tamen est in morbis quam multis) Ceterum quia eorum , quos euasuros spes est , ineunda est curatio , neque morbi crudi sunt , sed dubij ; hinc est, vt vtero gerentium erysipleas curandus sit, cum de illo salutis spem suscepit medi-

cus .

cus . atque hæc de crudis morbis dixisse , sit
fatis .

Num. 42. Quãuis ergo decreuerit Hipp.
crudas affectiones, neque medicandas, neque
mouendas, theorema tamen istud locum non
fortiri , subiecit, cum turget. quæ vocis acce-
ptio , quamuis ad humores referatur , quos
turgere , pronunciatum est , attamen Marsil.
non solum hoc aphorismo , verum etiam lib.
priori de tueri. val. cap. 36. longe aliter eam
interpretatus est ; dum voluit de Græcorum
sententia turgere nihil aliud esse , quam tu-
mere , seu concitari ad emittendum aliquid :
& hoc ipsum ad corpus , vel partes illius spe-
ctare, non ad humores . hæc opinio non tan-
tum Marsilio arrisit, verum etiam eandem
sequuti sunt, viri clarissimi , Ludou. Merc. de
indic. pref. lib. primo cap. 6. & Gabriel Fal-
lop. lib. de med. purg. cap. 16. quibus in lo-
cis , disertæ satis oratione decernunt , & ap-
posite , turgere nihil aliud esse , quam quan-
do corporis pars desiderio feruet , seu appe-
tit quod molestum est expellere . Id vero an-
tea docuorat Aristot. 2. de generat. animal.
cap. 4. vbi locum turgere ait : Vnde cum
Hippoc. cruda voluit , nec medicanda , ne-
que mouenda , nisi turgeat, perinde est, ac si

E

dixit.

dixisset, in morbis crudis nec medicatione, neque alia medica motione opus esse, nisi corpus appetat, seu concitetur ad expulsi-
onem, idque non solum proprium purgationis, verum etiam euacuationum quoque cæte-
rarum.

Num. 43. Est illud vnum silentio haud inuoluendum, cum turget non semper euacuatione opus esse. desumitur ratio ex aphorismo 24. sect. primæ in quo habetur, in morbis acutis, raro usu venire, purgantia medicamenta, hoc est, dum turget: vel Gal. ad eum locum interprete, qua sola animaduersione, minime fuit contentus Hipp. nisi subiecisset, hoc cum præmeditatione faciendum est, equidem præmeditatione opus, quoniam, & si turgeat, nihilominus peculiari aliqua de causa, medicamentis purgantibus parcat medicus in morbis acutis. Clarior eiusdem Hippoc. sententia est, 4. aphor. primo. in quo sancitur, vtero gerentes medicari oportet à quarto usque ad septimum si turgeat; sed has minus: vereri autem oportet iuniores, & seniores. cum turget, ergo medicari oportet vtero gerentes: sed à quarto usque ad septimum mensent. quamobrem à primo mense usque ad quartum, & à septimo usque quo pariat, tam etsi

tam etsi turgeat, nihilominus à purgatione abstinendum est: obseruandum est etiam, ætatis ratione nonnunquam, vt à quarto mense vsque ad septimum, & si turgeat purgandum non sit. quod significauit Hippoc. ijs verbis, vereri oportet iuniores, & seniores. indicauit etiam Gal. lib. quos & quando, non semper cum turget, opus esse pharmaco. hic enim cum declarauit, circa initia acutarum ægritudinum, pharmaco opus esse, cum turget, magna animaduersione id faciendum subiecit: quoniam non exiguum impendet periculum, ne sinistre purgatio succedat. vt ergo utilitas consequatur, hæc, inquit ille, ante omnia, considerare oportet, idoneus ne sit ad eiusmodi purgationem, qui morbo laborat. Etenim qui sæpe cruditate laborarint, & qui tenacibus, & crassis vesci consueuerint, quique sub costis inflatum, & tensum ventrè habent, vel eximie calidum, atque feruentem, aut in his locis inflammationes sentiunt, omnes ad purgationes sunt inepti. sic ille quæ illuc dirigitur admonitio, vt liqueat medico, cum turget, non semper opus esse, pharmacum dare. quæ eadem ratio, locum habet, in cæteris euacuationibus. namque exëpli gratia, si turgeant hæmorroides, à quorum tur-

gescentia cōsiliū capiat medicus effundendi sanguinem, viribusque non fidat, consultò abstinet à missione sanguinis.

Num. 44. Et licet locum reliquerit medico, quo in affectionibus crudis medicari decet, & mouere, idque agendum, dum turgēt; admonuit tamen Hippoc. id rarò agendum, eo quod rarò turgēat. quæ turgescētiæ raritas, ad crudos morbos referenda est, in quibus rarò turgere dictum, accipiendum est, eo quod ijs in morbis victi à morbis ægrotautes cum sint, rarò natura extimulatur ad expulsionem, à qua doctus medicus, illi opem afferendo, & ad excernendum naturæ conatum adiuuando, iuuamen afferre quæat.

Num. 45. Didicisse de morbis hoc aphorismo locutum Hippocratem, redegit in mentem an probabilis sit coniectura, vt fortè fortuna diuturnitate temporis amissa sit, & corrosa clausula; seu verius nomen νοσήματα, & legendum τὰ νοσήματα παλαιὰ φαρμακῶν, hoc est, morbos maturos medicare, quæ sanè lectio, vti sensum clariorem reddit, ita illam non aspernendam fore suadet. aduersus quam etsi exclamatum nouerimus mures verborum, Hippoc. truncatores extitisse. quod à nemine excogitatum fuit, sed proditum.

dumta-

dumtaxat, illam passos iniuriam Hippoc. libros, vt diurnitate temporis, & antiquitate non præter veri fidem fuerit corrosum verbum illud, *ὑπομέτα* planè hanc iniuriam passos Hippoc. libros videre est apud Mercur. in sua operum Hippoc. censura, vbi se vehementer suspicari fatetur, ne illud acciderit Hipp. libris, quod de libris Arist. testatur Strabo, & Plin. vt diu sepulti iacuerint, & mox corrosi, & deprauati sint inuenti: vnde est: vt non longe absit à veritate coniectura, quæ fit nonnunquam, amissa, vel immutata verba in illius scriptis: & id ipsum contigiſſe aphorismo, de quo agitur. Et, quamuis occurrat aduersarius iisdem verbis legi aphorismum lib. de humoribus. Occurrenti aduersario obuiam iri potest, eo tantum in libro theorema istud quod alibi oraculum appellauit Gal. conscriptum: Siquidem præfatus Gal. illo, in libro reperiri conscriptum memoriæ mandauit: ex aphorismorum, exemplaria quædam illo carere. adeo vt conici possit, non ab Hippoc. sed ab aliquo interpretatum inter aphorismos repositum. Coniecturam adauget Orib. qui aphorismum vicesimum primum, & vigesimum tertium vnicum efficit; vicesimo secundo, & de quo agitur penitus omisso. Ex quo facile

facile coniectura assequi possumus, hanc sententiam inter aphorismos minime locatam, ab Hippoc. sed tantummodo in libro de humoribus, & ibidem deperditam particulam *περίμετα*. vel, etiam concessio, in ambobus libris aphorismum repositum, nihilominus hæc non valeat assertio lib. de humoribus, hac serie aphorismus conscribitur *πεννα*, &c. Ergo iisdem verbis necessario erat conscribendus inter aphorismos. quandoquidem multa est afferre testimonia aphorismorum, qui aliter leguntur in reliquis Hippoc. libris, quam sint inter aphorismos conscripti 4. aphor. 59. tertiana exquisita perhibetur. septem circuitibus, quod longissimum est, iudicatur. aliter hic idem aphorismus scribitur lib. de iudicationibus, cum dicitur. Tertiana in septem circuitibus plerumque iudicatur. & longe aliter in hunc modum notatus reperitur lib. eoac. Tertiana exquisita in quinque, aut septem circuitibus, aut ad summum novem iudicatur. Longum esset aphorismos omnes examinare ad intelligendum, sæpe sæpius distare plurimum theoremata cæterorum librorum ab aphorismorum sententijs: sed hoc apertum facit illud novisse Hippocratem cum morem servasse. vti Heur. testatus est in suo ad
libros

libros aphor. argumento . & ante illum Cagnatus lib. 2. var. obs. cap. 7. vt multa in alijs libris conscripserit memoriæ causa , alia vt melius pensitaret in posterum , & mature excogitaret : eo præsertim consilio, vt aphorismos conflaret . quas seligendo sententias nunc illis ademit, aliàs adiecit, aliàs easdem castigauit , adeò vt aphorismorum lectio sæpiissime non respondeat theorematibus alibi notatis . Ex quo compertum fit, fallacem esse coniecturam ; vt ita legendæ sint aphorismorum sententiæ, vt in alijs libris notatæ iacent : cum hæc plerumque fallat . Quamobrem nulla est quæ cogat necessitas profiteri aphorismum , de quo agitur , iisdem verbis legendum ; quibus conflatur lib. de humoribus . Vnde, vt potuit ibidem conscribi absque illa voce, *νοσήματα* sic potuit inter aphorismos conscribi addita voce , *τὰ νοσήματα* ; & particula hæc temporis diuturnitate deperdi potuit. Verum hæc mathematica non est demonstratio: sed coniectura , & latentis rei iudicium : quod æqui bonique consulendum est ; non autem irridendum . quia illa coniectura facta est in commentationem, & declarationem maiorem, sententiæ Hippoc. à multis non benè præceptæ , & episodium, coniectura .

Æura . probabile, minus probabile, & alia sexcenta sunt termini Logici , & Rectorici tractati à multis, & præcipuè ab Aristotele octo libris Topicorum non irridenda , sed ad miranda, non existimantur, quia non leguntur . Hic esto finis . & soli Deo sit honor, & gloria .

FINIS.

